



宋文

志二十五至二十八

十

柳田文庫
文庫11
D 272
6



文庫 11
D 252
6

宋書卷三十五

志第二十五

州郡一

揚州

南徐州

徐州

南兖州

兖州

唐堯之世置十有二牧及禹平水土更制九州冀州堯都土界廣遠濟河為兖州海岱為青州海岱及淮為徐州淮海為揚州荆及衛陽為荊州荆河為豫州華陽黑水為梁州黑水西河為雍州自虞至殷無所改變周氏既有天下以徐并青以梁并雖分冀州之



柳田泉文庫

010190559225

地以爲幽并漢初又立徐梁二州武帝攘卻胡越開地斥境南置
交趾北置朔方改離曰涼改梁曰益凡爲十三州而司隸部三輔
三河諸郡東京無復朔方改交趾曰交州凡十三州司隸所部如
故及三國鼎峙吳得揚荆交三州蜀得益州魏氏猶得九焉吳又
分交爲廣魏末平蜀又分益爲梁晉武帝太康元年天下一統凡
十有六州後又分涼離爲秦分荆揚爲江分益爲寧分幽爲平而
爲二十矣自夷狄亂華司冀離涼青并兗豫幽平諸州一時淪沒
遺民南渡並僑置牧司非舊土也江左又分荆爲湘或離或合凡
有揚荆湘江梁益交廣其徐州則有過半豫州唯得譙城而已及
至宋世分揚州爲南徐徐州爲南兗揚州之江西悉屬豫州分荆
爲離分荆湘爲郢分荆爲司分廣爲越分青爲冀分梁爲南北秦
太宗初索虜南侵青冀兗兗及豫州淮西並皆不守自淮以北化

成虜庭於是於鍾離置徐州淮陰爲北兗而青冀二州治頓榆之
縣今志大校以大明八年爲正其後分派隨事記列內史侯相則
以昇明末爲定焉地理參差其詳難舉寔由名號驟易境土屢分
或一郡一縣割成四五五之中亟有離合千回百改巧曆不算
尋校推求未易精悉今以班固馬彪二志太康元年定戶王隱地
道晉世起居永初郡國何徐州郡及地理雜書互相考覆且三國
無志事出帝紀雖立郡時見而置縣不書今唯以續漢郡國校太
康地志參伍異同用相徵驗自漢至宋郡縣無移改者則注云漢
舊其有回徙隨源甄別若咩某無者則此前皆有也若不注置
立史闕也

揚州刺史前漢刺史未有所治徐州後漢治歷陽魏晉治壽春晉平
吳治建業成帝咸康四年僑立魏郡別見肥鄉元城漢舊縣晉屬陽平三縣後

省元城又僑立廣川郡別見領廣川一縣宋初省為孫隸魏郡江左又

立高陽別見堂邑二郡別見高陽領北新城別見博陸博陸縣霍光所封而二漢無晉屬高陽

堂邑領堂邑一縣後省堂邑并高陽又省高陽并魏郡並隸揚州

寄治京邑文帝元嘉十一年省以其民併建康孝建元年分揚州

之會稽東陽新安永嘉臨海五郡為東揚州大明三年罷州以其

地為王畿以南臺侍御史部諸郡如從事之部傳焉而東揚州直

云揚州八年罷王畿復立揚州揚州還為東揚州前廢帝永光元

年省東揚州并揚州順帝昇明三年改揚州刺史曰牧領郡十領

縣八十戶一十四萬二千二百九十六口一百四十五萬五千六

百八十五

丹楊尹秦鄣郡治今吳興之故鄣縣漢初屬吳國吳王濞反敗屬

江都國武帝元封二年為丹楊郡治今宣城之宛陵縣晉武帝太

康二年分丹楊為宣城郡治宛陵而丹楊移治建業元帝太興元

年改為尹領縣八戶四萬一千一十口二十三萬七千三百四十

一

建康令本秣陵縣漢獻帝建安十六年置縣孫權改秣陵為

建業晉武帝平吳還為秣陵太康三年分秣陵之水北為

建業愍帝即位避帝諱改為建康

秣陵令其地本名金陵秦始皇改本治去京邑六十里今故

治卹是也晉安帝義熙九年移治京邑在鬪場恭帝元熙

元年省揚州府禁防參軍縣移治其處

丹楊令漢舊縣

江寧令晉武帝太康元年分秣陵立臨江縣二年更名

永世令吳分溧陽為永平縣晉武帝太康元年更名惠帝世

度屬義興尋復舊義興又有平陵縣董覽吳地志云晉分永世太康永寧地志並無疑是江左立文帝元嘉九年以併永世溧陽二縣

溧陽令漢舊縣吳省為屯田晉武帝太康元年復立

湖熟令漢舊縣吳省為典農都尉晉武帝太康元年復立

句容令漢舊縣

會稽太守秦立治吳漢順帝永建四年分會稽為吳郡會稽移治山陰領縣十戶五萬二千二百二十八口三十四萬八千一十四去京都水一千三百五十五陸同

山陰縣令漢舊縣

永興令漢舊餘暨縣吳更名

上虞令漢舊縣

餘姚令漢舊縣

剡令漢舊縣

諸暨令漢舊縣

始寧令何承天志漢末分上虞立賀續會稽記云順帝永建四年分上虞南鄉立續漢志無晉太康三年地志有

句章令漢舊縣

鄞令漢舊縣

鄞令漢舊縣

吳郡太守分會稽立孝武大明七年度屬南徐八年復舊領縣十二戶五萬四百八十八口四十二萬四千八百一十二去京都水六百七十陸五百二十

吳令漢舊縣

婁令漢舊縣

嘉興令此地本名長水秦改曰由拳吳孫權黃龍四年由拳縣生嘉禾改曰禾興孫皓父名和又改名曰嘉興

海虞令晉武帝太康四年分吳縣之虞鄉立

海鹽令漢舊縣吳記云本名武原鄉秦以為海鹽縣

鹽官令漢舊縣吳記云鹽官本屬嘉興吳立為海昌都尉治

此後改為縣非也

錢唐令漢舊縣

富陽令漢舊縣本曰富春孫權黃武四年以為東安郡七年省晉簡文鄭太后諱春孝武改曰富陽

新城令浙江西南名為桐溪吳立為新城縣後并桐廬晉太康地志無張勅云晉末立疑是太康末立尋復省也晉成

帝咸和九年又立

建德令吳分富春立

桐廬令吳分富春立

壽昌令吳分富春立

新昌縣晉武帝太康元年更名

吳興太守孫皓寶鼎元年分吳丹楊立領縣十戶四萬九千六百九口三十一萬六千一百七十三去京都水九百五十陸五百七

十

烏程令漢舊縣先屬吳

東遷令晉武帝太康三年分元程立後廢帝元徽四年更名

東安順帝昇明元年復舊

武康令吳分烏程餘杭立永安縣晉武帝太康元年更名

長城令晉武帝太康三年分烏程

原鄉令漢靈帝中平二年分故鄣立

故鄣令漢舊縣先屬丹楊

安吉令漢靈帝中平二年分故鄣立

餘杭令漢舊縣先屬吳

臨安令吳分餘杭為臨水縣晉武帝太康元年更名

於潛令漢舊縣先屬丹楊

淮南太守秦立為九江郡兼得廬江豫章漢高帝四年更名淮南
國分立豫章郡文帝又分為廬江郡武帝元符元年復為九江郡
治壽春縣後漢徙治陰陵縣魏復曰淮南徙治壽春晉武帝太康
元年復立歷陽別見當塗遂道諸縣二年復立鍾離縣別立二漢
舊縣也三國時江淮為戰爭之地其間不居者各數百里此諸縣

並在江北淮南虛其地無復民戶吳平民各還本故復立焉其後

中原亂胡寇屢南侵淮南民多南度成帝初蘇峻祖約為亂於江

淮胡寇又大至民南度江者轉多乃於江南僑立淮南郡及諸縣

晉末遂割丹楊之于湖縣為淮南境宋孝武大明六年以淮南郡

併宣城宣城郡徙治于湖八年復立淮南郡屬南豫州明帝太始

三年還屬揚州領縣六戶五千三百六十一口二萬五千八百四

十去京都水一百七十陸一百四十

于湖令晉武帝太康二年分丹楊縣立本吳督農校尉治

當塗令晉成帝世與遂道俱立為僑縣晉末分子湖為境

繁昌令漢舊名本屬潁川魏分潁川為襄城又屬焉晉亂襄

城郡以此縣屬淮南割于湖為境

襄垣令其地本無湖無湖縣漢舊縣至于晉末立襄垣縣屬

上黨上黨民南過江立僑郡縣寄治無湖後省上黨郡為縣屬淮南文帝元嘉九年省上黨縣併襄垣

定陵令漢舊名本屬襄城後割無湖為境

遂道令漢作遂道晉作遂道後分無湖為境

宣城太守晉武帝太康元年分丹楊立領縣十戶一萬一百二十口四萬七千九百九十二去京都水五百八十陸五百

宛陵令漢舊縣

廣德令何志云漢舊縣二漢志並無疑是吳所立

懷安令吳立

寧國令吳立

宣城令漢舊縣

安吳令吳立

涇令漢舊縣

臨城令吳立

廣陽令漢舊縣曰陵陽子明得仙於此縣山故以為名晉成帝杜皇后諱陵咸康四年更名

石城令漢舊縣

東陽太守本會稽西部都尉吳孫皓寶鼎元年立領縣九戶一萬六千二十二口一十萬七千九百六十五去京都水一千七百陸

同

長山令漢獻帝初平二年分烏傷立

大末令漢舊縣

烏傷令

永康令赤烏八年分烏傷上浦立

信安令漢獻帝初平三年分太末立曰新安晉武帝太康元

年更名

吳寧令漢獻帝興平二年孫氏分諸暨立

豐安令漢獻帝興平二年孫氏分諸暨立

定陽令漢獻帝建安二十三年孫氏分信安立

遂昌令孫權赤烏二年分大末立曰平昌晉武帝太康元年

更名

臨海太守本會稽東部都尉前漢都尉治鄞後漢分會稽為吳郡
疑是都尉徙治章安也孫亮太平二年立領縣五戶三千九百六
十一口二萬四千二百二十六去京都水二千一百九十九陸同

章安令續漢志故治閩中地光武更名晉太康記本鄞縣南
之回浦鄉漢章帝章和中立未詳孰是

臨海令吳分章安立

始豐令吳立曰始平晉武帝太康元年更名

寧海令何志漢舊縣按二漢志晉太康地

樂安令晉康帝分始豐立

永嘉太守晉明帝太寧元年分臨海立領縣五戶六千二百五十
口三萬六千六百八十去京都水二千八百陸二千六百四十

永寧令漢順帝永建四年分章安東甌鄉立或云順帝永和

三年立

安固令吳立曰羅陽孫皓改曰安陽晉武帝太康元年更名

松陽令吳立

樂成令晉孝武康寧三年分永寧立

橫陽令晉武帝太康四年以橫蕪船屯為始陽仍復更名

新安太守漢獻帝建安十三年孫權分丹楊立曰新都晉武帝太康元年更名領縣五戶一萬二千五十八口三萬六千六百五十一去京都水一千八百六十陸一千八百

始新令孫權分歙立

遂安令孫權分歙爲新定縣晉武帝太康元年更名

歙令漢舊縣

海寧令孫權分歙爲休陽縣晉武帝太康元年更名分歙置

諸縣之始又分置黎陽縣大明八年省併海寧縣令漢舊

縣

南徐州刺史晉永嘉大亂幽冀青并兗州及徐州之淮北流民相率過淮亦有過江在晉陵郡界者晉成帝咸和四年司空郗鑑又徙流民之在淮南者於晉陵諸縣其徙過江南及留在江北者並

立僑郡縣以司牧之徐兗二州或治江北江北又僑立幽冀青并

四州安帝義熙七年始分淮北爲北徐淮南猶爲徐州後又以幽

冀合徐青并合兗武帝永初二年加徐州曰南徐而淮北但曰徐

文帝元嘉八年更以江北爲南兗州江南爲南徐州治京口割揚

州之晉陵兗州之九郡僑在江南者屬焉故南徐州備有徐兗幽

冀青并揚七州郡邑永初二年郡國志又有南沛南下邳廣平廣

陵盱眙鍾離八郡南沛廣陵海陵山陵盱眙鍾離割屬南兗南下

邳併南彭城廣平併南泰山今領郡十七縣六十三戶七萬二千

四百七十二口四十二萬六百四十去京都水二百四十陸二百

南東海太守東海郡別見晉元帝初割吳郡海虞縣之北境爲東海郡立

郟胸利城三縣而祝其襄贛等縣寄治曲阿穆帝永和中郡移出

京口郟等三縣亦寄治於京文帝元嘉八年立南徐以東海爲治

下郡以丹徒屬焉郟利城竝為實土永初郡國有襄賁別祝其厚
丘並漢舊名西隰何江左立四縣文帝嘉十一年省厚丘併襄賁何徐無厚丘
餘與永初郡國同其襄賁祝其西隰是徐志後所省也領縣六戶
五千三百四十二口三萬三千六百五十八

郟令漢舊名文帝元嘉八年分丹徒之峴西為境

丹徒令本屬晉陵古名朱方後名谷陽秦改曰丹徒孫權嘉

禾三年改曰武進晉武帝太康三年復曰丹徒

武進令晉武帝太康二年分丹徒曲阿立毗陵宋孝武大明

末度屬此

胸令漢舊名晉江左僑立宋孝武世分郟西界為土

利城令漢舊名晉江左僑立宋文帝世與郡俱為實土

南琅邪太守琅邪郡別見晉亂琅邪國人隨元帝過江千餘戶太興三年

立懷德縣丹陽雖有琅邪相而無此地成帝咸康元年桓溫領

鎮江乘之蒲洲金城上求割丹楊之江乘縣境立郡又分江乘地

立臨沂縣永初郡國有陽都前漢屬城陽後漢晉太康地屬琅邪費卽丘並別三縣並割臨沂

及建康為土費縣治宮城之北元嘉八年省卽丘併陽都十五年

省費併建康臨沂孝武大明五年省陽都併臨沂今領縣二戶二

千七百八十九口一萬八千六百九十七去州水二百陸一百去

京都水一百六十

臨沂令漢舊名前漢屬東海後漢晉屬琅邪

江乘令漢舊縣本屬丹楊吳省為典農都尉晉武帝太康元

年復立

晉陵太守吳時分吳郡無錫以西為毗陵典農校尉晉武帝太康

二年省校尉立以為毗陵郡治丹徒後復還毗陵東海王越世子

名毗而東海國故食毗陵永嘉五年帝改爲晉陵始自毗陵徙治丹徒太興初郡及丹徒縣悉治京口郝鑑復徙還丹徒安帝義熙九年復還晉陵本屬揚州文帝元嘉八年度屬南徐領縣六戶一萬五千三百八十二口八萬一百一十三去州水一百七十五陸同去京都水四百陸同

晉陵令本名延陵漢改曰毗陵後與郡俱改

延陵令晉武帝太康二年分曲阿之延陵鄉立

無錫令漢舊縣吳省晉武帝太康元年復立

南沙令本吳郡司鹽都尉署吳時名沙中吳平後立暨陽縣割屬之晉成帝咸康七年罷鹽署立以爲南沙縣

曲阿令本名雲陽秦始皇改曰曲阿吳嘉禾三年復曰雲陽

晉武帝太康二年復曰曲阿

暨陽令晉武帝太康二年分無錫毗陵立

義興太守晉惠帝永興元年分吳興之陽羨丹楊之永世立永世尋還丹陽本揚州明帝泰始四年度南徐領縣五戶一萬三千四百九十六口八萬九千五百二十五去州水四百陸同去京都水四百九十陸同

陽羨令漢舊縣

臨津令故屬陽羨立郡分立

義鄉令故屬長城陽羨立郡分立

國山令故屬陽羨立郡分立

綏安令武帝永初三年分宣城之廣德吳興之故鄣長城及

陽羨義鄉五縣立

南蘭陵太守

蘭陵郡別見

領縣二戶一千五百九十三口一萬六百三十

四

蘭陵令別見

承令別見文帝元嘉十二年以合鄉縣併承永初郡國何徐並

無合鄉縣

南東莞太守東莞郡別見永初郡國又有蓋縣別見領縣三戶一千四百二十

四口九千八百五十四

莒令別見

東莞令別見文帝元嘉十二年以蓋縣併此

姑幕令漢舊名

臨淮太守漢武帝元狩六年立光武以併東海明帝永平十五年復分臨淮之故地為下邳郡晉武帝太康元年復分下邳之淮南為臨淮郡治盱眙江左僑立永初郡國又有盱眙縣何徐無領縣

七戶三千七百一十一口二萬二千八百八十六

海西令前漢屬東海後漢晉屬廣陵

射陽令前漢屬臨淮後漢屬廣陵三國時廢晉武帝太康元年復立

廣陵令前漢屬泗水後漢屬廣陵三國時廢晉武帝太康二年又立屬廣陵

淮浦令前漢屬臨淮後漢屬下邳晉太康地志屬廣陵

淮陰令前漢屬臨淮後漢屬下邳晉太康地志屬廣陵

東陽令前漢屬臨淮後漢屬廣陵晉太康地志屬臨淮

長樂令本長樂郡別見并合為縣

淮陵太守本淮陵縣前漢屬臨淮後漢屬下邳晉屬臨淮惠帝永寧元年以為淮陵國永初郡國又有下邳前漢屬臨淮後漢屬下邳晉太康地志屬臨淮廣陽廣陽漢高

立為燕國昭帝更名光武省併上谷和帝永元八年復立魏晉復為燕國前漢廣陽縣後漢無晉復有此也

一縣令領縣三戶一千九百五

口一萬六百二十

司吾令前漢屬東海後漢屬下邳晉太康地志屬臨沂後廢

帝元徽五年五月改名桐梧順帝昇明元年復舊

徐令前漢屬臨淮後漢屬下邳晉太康地志屬臨淮

陽樂令漢舊名本屬遼西文帝元嘉十三年以下相併陽樂

南彭城太守

彭城郡別見

江左僑立晉明帝又立南下邳郡成帝又立南

沛郡文帝元嘉中分南沛為北沛屬南兗而南沛猶屬南徐孝武大明四年以二郡並併南彭城領縣十二戶一萬一千七百五十八口六萬八千一百六十三

呂令

別見

武原令漢舊名

儀陽令漢舊名

蕃令別見義旗初免軍戶立遂誠縣武帝永初元年改從舊名

薛令別見義旗初免軍戶為建熙縣永初元年改從舊名

開陽令前漢屬東海章帝建初五年屬琅邪晉僑立猶屬琅

邪安帝度屬彭城

杆秋令漢舊名

汶令前漢屬梁後漢晉屬沛

下邳令別見本屬南下邳

北陵令本屬南下邳二漢無晉太康地志屬下邳本名陵而

廣陵郡舊有陵縣晉武帝太康二年以下邳之陵縣非舊

土而同名改為北陵

僮令別見本屬南下邳南下邳有良城縣別見文帝元嘉十二年

併僮

南清河太守

清河郡別見

領縣四戶一千八百四十九口七千四百四

清河令

別見

東武城令

別見

繹幕令

別見

貝丘令

別見

南高平太守

高平郡別見

永初郡國又有鉅野昌邑二縣並漢舊名今領縣三戶

一千七百一十八口九千七百三十一

金鄉令

別見

湖陸令前漢曰湖陵漢章帝更名

高平令

別見

文帝元嘉十八年以鉅野併高平

南平昌太守

平昌郡別見

領縣四戶二千一百七十八口一萬一千七百

四十一

安丘令

別見

新樂令二漢無魏分平原為樂陵郡屬冀州而新樂縣屬焉

晉江左立樂陵郡及諸縣後省以新樂縣屬此

東武令

別見

高密令

別見

江左立高密國後為南高密郡文帝元嘉十八年

省為高密縣屬此

南濟陰太守二漢晉屬兗州前漢初屬梁國景帝中平六年別為

濟陰國宣帝甘露二年更名定陶國後還曰濟陰永初郡國又有

句陽定陶二縣並漢舊名今領縣四戶一千六百五十五口八千一百九

十三

城武令

別見

宋書三十五

十四

宛句令漢舊名

單父令前漢屬山陽

城陽令漢舊名

南濮陽太守本東郡屬兗州晉武帝咸寧二年以封子允以東不可為國名東郡有濮陽縣故曰濮陽國濮陽漢舊名也允改封淮
南還曰東郡趙王倫篡位廢太孫臧為濮陽王王尋廢郡名遂不改永初郡國又有鄆城縣二漢屬濟陰晉太康地志屬濮陽也今領縣二戶二千二十六口
八千二百三十九

廩丘令前漢及晉太康地志有廩丘縣後漢無文帝元嘉十二年以鄆城併廩丘

榆次令漢舊名至晉屬太原

南太山太守太山郡別見

永初郡國有廣平

漢孝武帝征和子國宣帝五鳳二年改為平立為平併鉅鹿魏分鉅鹿魏郡改為

北武建武十三年省咸康四年平江左僑立晉成帝省後又立寄治丹徒領廣平易陽易陽二漢屬鉅鹿晉太康地志屬廣平由周平作由周後漢屬鉅鹿太康地志屬廣平作由周梁三縣文帝八年省廣平郡為廣平縣屬南太山今

領縣三戶二千四百九十九口一萬三千六百

南城令別見

武陽令別見

廣平令前漢屬廣平後漢屬鉅鹿晉太康地志屬廣平

濟陽太守晉惠分陳留為濟陽國領縣二戶一千二百三十二口
八千一百九十二

考城令前漢曰留屬梁國章帝更名屬陳留太康地志無

鄆城令別見

南魯郡太守魯郡別見又有樊縣前漢屬東平後漢晉太康地志屬任城也今領縣二戶一千二百一

十一口六千八百一十八

魯令

別見

西安令漢舊名本屬齊郡齊郡過江僑立後省以西安配此

文帝元嘉十八年以樊併西安永初郡國無西安縣

徐州刺史後漢治東海郟縣魏晉宋治彭城明帝世淮北沒寇僑立徐州治鍾離秦豫元年移治東海朐山後廢帝元徽元年分南兗州之鍾離豫州之馬頭又分秦郡之頓丘梁郡之穀孰歷陽之鄆立新昌郡置徐州還治鍾離今大列徐州舊郡於前以新割係舊領郡十二縣三十四戶二萬三千四百八十五口十七萬五千九百六十七令領郡三縣九彭城去京都水一千三百六十陸一千彭城太守漢高立為楚國宣帝地節元年改為彭城郡黃龍元年又為楚國章帝還為彭城領縣五戶八千六百二十七口四萬一千二百三十一

彭城令漢舊縣

呂令漢舊縣

蕃令漢舊縣屬魯晉惠帝元康中度蕃音皮漢末太傅陳蕃

子逸為魯相改之

薛令漢舊縣屬魯晉惠帝元康中度留令漢舊縣

沛郡太守秦泗水郡漢高更名舊屬豫州江左改配領縣三戶五千二百九口二萬五千一百七十去州陸六十去京都一千

蕭令漢舊縣

相令漢舊縣

沛令漢舊縣

下邳太守前漢本臨淮郡武帝立明帝改為下邳晉武帝分下邳之淮南為臨淮而下邳如故領縣三戶三千九十九口一萬六千

八十八去州水二百陸一百八十去京都水一千一百六十陸八

百
下邳令前漢屬東海後漢晉太康地志屬下邳

良城令前漢屬東海後漢晉太康地志屬下邳

僅令前漢屬臨淮後漢晉太康地志屬下邳

蘭陵太守晉惠帝元康元年分東海立領縣三戶三千一百六十四口一萬四千五百九十七去州陸二百去京都水一千六百陸一千三百

昌慮令漢舊縣

承令漢舊縣

合鄉令漢舊縣

東海太守秦郟郡漢高更名明帝失淮北僑立青州於顛榆縣秦

始七年又立東海縣屬東海郡又割顛榆置鬱縣立西

僑青州領縣二戶二千四百一十一口一萬三千九百四十一

州水一千陸八百去京都水一千陸六百七十

襄賁令漢舊縣

顛榆令前漢屬琅邪後漢屬東海魏省晉武帝太康元年復

立

東莞太安晉武帝太始元年分琅邪立咸寧三年復以合琅邪太康十年復立領縣三戶八百八十七口七千三百二十去州陸七百去京都水二千陸一千四百

莒令前漢屬城陽後漢屬琅邪孝武大明五年改爲長

諸令前漢屬城陽後漢屬琅邪晉太康地志屬城陽

東莞令漢舊縣

東安太守東安故縣名前漢屬城陽後漢屬琅邪晉太康地志屬東莞晉惠帝分東莞立領縣三戶一千二百八十五口一萬七百五十五去州陸七百去京都陸一千三百

菴令前漢屬琅邪後漢屬太山晉太康地志屬樂安孝武大明五年改為長

新泰令魏立屬太山

發干令漢舊名屬東郡太康地志無江左來配

琅邪太守秦立領縣二戶一千八百一十八口八千二百四十三去州陸四百去京都水一千五百陸一千一百

費令前漢屬東海後漢屬泰山晉太康地志屬琅邪

卽丘令前漢屬東海後漢晉太康地志屬琅邪

淮陽太守晉安帝義熙中土斷立領縣四戶二千八百五十五

一萬五千二百六十三去州水六百陸五百去京都水八百陸五百五

甬城令晉安帝義熙中土斷立

晉寧令故屬濟岷流寓來配

宿預令晉安帝立

上黨令本流寓郡併省來配

陽平太守陽平本縣名屬東郡魏分東郡及魏郡為陽平郡故屬司州流寓來配永初郡國又有廩丘縣別置今領縣三戶一千七百二十五口一萬三千三百二十

館陶令漢舊名

陽平令漢舊名

濮陽令本流寓郡併省來配

濟陰太守漢景帝立屬兗州流寓徐土因割地為境領縣三戶二千三百五十口一萬一千九百二十八

睢陵令前漢屬臨淮後漢屬下邳孝武大明元年度定陶令漢舊名孝武大明五年改為長

頓丘令屬頓丘流寓割配

北濟陰太守孝武建元元年昇立領縣三戶九百二十七口三千八百十

城武令前漢屬山陽後漢晉太康地志屬濟陰

豐令漢舊名屬沛孝武大明元年復立

離狐令前漢屬東郡後漢晉太康地志屬濟陰

鍾離太守本屬南兗州晉安帝分立案漢九江郡晉淮南郡有鍾離縣即此地也領縣三戶三千二百七十二口一萬七千八百一十二去京都陸六百二十水一千三十

燕縣令別見故屬東燕流寓因配

朝歌令本屬河內晉武帝分河內為汲又屬焉流寓因配

樂平令前漢曰清屬東郡章帝更名晉太康地志無流寓因配

配

馬頭太守屬南豫州故淮南當塗縣地晉安帝立因山形立名領縣三戶一千三百三十二口一萬二千三百一十去京都一千七百五十陸六百七十

虞縣令漢舊名屬梁郡流寓因配

零縣令晉安帝立

濟陽令故屬濟陽流寓因配

平昌太守後廢帝元徽元年立

頓丘令二漢屬東郡魏屬陽平晉武帝泰始二年分淮陽置

頓丘郡頓丘縣又屬焉江左流寓立屬秦先有沛縣元嘉

八年併頓丘後廢帝元徽元年度屬此

穀孰令前漢無後漢晉屬梁永初郡國何徐志並屬南梁後

廢帝元徽元年度

鄱令漢屬沛晉屬譙文帝元嘉八年自南譙度屬歷陽後廢

帝元徽元年度屬此

南兗州刺史中原亂北州流民多南渡晉成帝立南兗州寄治京

口時又立南青州及并州武帝永初元年度省并併南兗文帝元嘉

八年始割江淮間為境治廣陵永初郡國領十四郡南高平南平

昌南濟陰南濮陽南泰山濟陽南魯山郡今並屬徐州又有東燕

郡江左分濮陽所立也領燕縣前漢曰南燕後漢曰燕並屬東郡大康地志屬濮陽白馬平昌考城凡

四縣文帝元嘉十八年省考城併燕十八年省東燕縣屬南濮

後又省東燕縣南東平郡領范蛇丘歷城凡三縣高密郡領淳于

黔陬營陵夷安凡四縣南齊郡領安西臨菑凡二縣南平原郡領

平原高唐在平並別見凡三縣濟岷郡江左立領營城晉寧江左立凡二縣雁門

郡漢舊郡領樓煩別見陰館前漢作觀後漢晉作館也廣武前漢屬太原後漢晉屬太原地志屬雁門也厚馬邑北漢舊名凡五縣

凡七郡二十三縣並省屬南徐州諸僑郡縣何志又有鍾離雁門

平原東平北沛五郡鍾離今屬徐州雁門領樓煩陰館廣武三縣

平原領在平臨菑營城平原四縣東平原領范朝陽歷城三縣沛

領符離蕭相沛四縣符離漢舊縣餘並別見凡十四縣起居注元嘉十一年以南

兗州東平之平陸併范壽張併朝陽平原之濟岷晉寧併營城先是

岷郡為縣高康併在平按此五縣元嘉十一年所省則平陸壽張疑在永

初郡國志而無此二縣未詳徐志有南東平郡領范朝陽歷城樓

煩陰觀廣武在平營城臨菑平原十縣則是雁門平原併東平也
孝武大明五年以東平併廣陵宋又僑立新平北淮陽北濟北下
邳東莞五郡元嘉二十八年南兗州徙治盱眙三十年省南兗州
併南徐其後復立還治廣陵徐志領郡九縣三十九戶三萬一千
一百一十五口十五萬九千三百六十二宋末領郡十一縣四十
四去京都水二百五十陸一百八十

廣陵太守漢高六年立屬荆國十一年更屬吳景帝四年更名江

都國武帝元狩三年更名廣陵舊屬徐州晉武帝太康三年治淮

陰故城後又治射陽射陽別見江左治廣陵永初郡國又有興前漢屬臨淮後漢省臨淮屬廣

陵文帝元嘉十三年并江都也肥如路真定新市五縣並一漢舊名肥如屬遼西路屬上黨真定前漢屬常山晉亦屬常山新市

永初郡國云四縣本屬遼西則是首末遼西僑郡省併廣陵也何有肥如新市徐與今同也今領縣四戶七千七百四十四口

四萬五千六百一十三

廣陵令漢舊縣

海陵令前漢屬臨淮後漢晉屬廣陵三國時廢晉武帝太康

元年復立

高郵令漢舊縣三國時廢晉武帝太康元年復立

江都令漢舊縣三國時廢晉武帝太康六年復立江左又省

併興縣元嘉十三年復立以併江都

海陵太守晉安帝分廣陵立永初郡國屬徐州領縣六戶三千六

百二十六口二萬一千六百六十去州水一百三十陸同去京都

水三百九十陸同

建陵令晉安帝立

臨江令晉安帝立

如臯令晉安帝立

寧海令晉安帝立

蒲濤令晉安帝立

臨澤令明帝太豫元年立

山陽太守晉安帝義熙中土斷分廣陵立案漢景帝分梁為山陽非此郡也永初郡國屬徐州領縣四戶二千八百一十四口二萬二千四百七十去州水三百陸同去京都水五百陸同

山陽令射陽縣境地名山陽與郡俱立

鹽城令舊曰鹽漬前漢屬臨淮後漢晉屬廣陵三國時廢晉

武帝太康二年復立晉安帝更名

東城令晉安帝立

左鄉令晉安帝立

盱眙太守盱眙本縣名前漢屬臨淮後漢屬下邳晉屬臨淮晉安

帝分立領縣五戶一千五百一十八口六千八百二十五去
四百九十陸二百九去京都水七百陸五百

考城令別見

陽城令晉安帝立

直瀆令晉安帝立

信都令信都雖漢舊名其地非也地在河北宋末立

睢陵令前漢屬臨淮後漢屬下邳晉太康地志無宋末立

秦郡太守晉武帝分扶風為秦國中原亂其民南流寄居堂邑堂邑本為縣前漢屬臨淮後漢屬廣陵晉又屬臨淮晉惠帝永興元年分臨淮淮陵立堂邑郡安帝改堂邑為秦郡永初郡國屬豫州

元嘉八年度南竟永初郡國又領臨塗晉宋平丘漢舊屬陳留晉外黃漢舊

陳沛陳沛離丘離丘沒儀頓見別凡七縣何無離丘外黃平丘沛徐又無沒儀

元嘉八年以沛併頓丘後廢帝元徽元年割頓丘屬新昌領縣四
戶三千三百三十三口一萬五千二百九十六去州水二百四十
一陸一百八十去京都水一百五十陸一百四十

秦令本屬秦國流寓立文帝元嘉八年以臨塗併秦以外黃
併浚儀孝武孝建元年以浚儀併秦

義成令江左立

尉氏令漢舊名屬陳留文帝元嘉八年以平丘併尉氏

懷德令孝武大明五年立又以歷陽之烏江并此為二縣立
臨江令前廢帝永光元年省臨江郡懷德即住郡治烏江

還本也

南沛太守沛郡別見何志云北沛新立徐云南沛永初郡國又有鍾離浚

並別見竹邑前漢曰竹李奇曰今邑也後漢晉四縣梓被治無錫餘並

沛廣陵文帝元嘉十二年以北沛郡竹邑并梓秋何徐並無此二
縣不詳起居注孝武大明五年分廣陵為沛郡治肥如縣時無復
肥如縣當是肥如故縣處也二漢晉太康地志並無肥如縣沛郡
宜是大明五年以前省其時又立也今領縣三戶一千一百九口
一萬二千九百七十

蕭縣令別見

相縣令別見

沛縣令別見

新平太守明帝泰始七年立

江陽令郡同立

海安令郡同立

北淮太守宋末僑立

晉寧令別見

宿預令別見

甬城令別見

北濟陰太守齊陰郡別見宋失淮北僑立

廣平令前漢臨淮有廣平縣後漢以後無

定陶令別見

湯平令別見

上黨令別見

宛句令別見

館陶令別見

北下邳太守下邳郡別見宋失淮北僑立

僮縣令別見

寧城令別見

東莞太守東莞郡別見宋失淮北僑立

莒縣令別見

諸縣令別見

東莞令別見

栢人令漢舊名屬趙國宋失淮北僑立

兖州刺史後漢治山陽昌邑魏晉治廩丘武帝平河南治滑臺文

帝元嘉十三年治鄒山又寄治彭城二十年省兖州分郡屬徐冀

州三十年六月復立治瑕丘二漢山陽有瑕丘縣永初郡國有東郡陳留濮陽三

郡而無陽平郡領白馬別見涼城二漢東郡有聊城縣晉大康地志無疑此是東燕別見三縣陳留郡

領酸棗漢舊縣小黃離丘白馬襄邑尉氏六縣郡縣並別見濮陽郡領濮陽廩

丘並別見二縣宋末失淮北僑立兗州寄治淮陰淮陰別見兗州領郡六縣三

十一戶二萬九千三百四十口一十四萬五千五百八十一

泰山太守漢高立永初郡國又有山莊別見萊蕪漢舊名太原本郡僑立此縣三縣

而無鉅平縣今領縣八戶八千一百七十七口四萬五千五百八

十一去州陸八百去京都陸一千八百

奉高令漢舊縣

鉅平令漢舊縣

嬴令漢舊縣

牟令漢舊縣

南城令前漢屬東海後晉屬泰山

武陽令漢舊縣

梁父令漢舊縣

博令漢舊縣

高平太守故梁國漢景帝中六年分爲山陽國武帝建元五年爲

郡晉武帝泰始元年更名永初郡國及徐並又有任城縣前漢屬高平章帝元

和元年分東平爲任城又屬焉晉亦屬任城江左自郡爲縣也後省今領縣六戶六千三百五十八口二萬

一千一百一十二去州陸二百二十去京都陸一千三百三十宋

明帝泰始五年僑立於淮南當塗縣界領高平金鄉二縣其年又

立睢陵縣

高平令前漢名橐章帝更

方與令漢舊縣

金鄉令前漢無後漢晉有

鉅野令漢舊縣

平陽令漢舊縣曰南平陽

亢父令漢舊縣舊屬任城

魯郡太守秦薛郡漢高后更名本屬徐州光武改屬任城江左屬
兗州領縣六戶四千六百三十一口二萬八千三百七去州陸三
百五十去京都陸一千一百

鄒令漢舊縣

汶陽令漢舊縣

魯令漢舊縣

平陽令孝武大明元年立

新陽令孝武大明中立

下令明帝太始五年立

東平太守漢景帝分梁為濟東國宣帝更名領縣五其四立平
五十九口一萬七千二百九十五去州水五百陸同

無鹽令漢舊縣

平陸令漢舊縣

須昌令前漢屬東郡後漢晉太康地志屬東平

壽昌令春秋時曰良前漢曰壽良屬東郡光武改曰壽張屬

東平

范令漢舊縣四縣並治郡下

陽平太守魏分魏郡立文帝元嘉中流寓來屬後省孝武大明元
年復立領縣五戶二千八百五十七口一萬一千二百七十一

館陶令漢舊各寄治無鹽

樂平令魏立屬陽平後漢東郡有樂平非也寄治下平陸

元城令漢舊寄治無鹽

平原令別孝武大明中立

頓丘令別孝武大明中立

濟北太守漢和帝永光二年分泰山立永初郡國有臨邑一漢屬東郡晉太康

地志屬濟北東阿一漢屬東郡晉太康二縣孝武大明元年省應在何志而無未詳領

縣三戶三千一百五十八口一萬七千三去州陸七百去京都水

二千陸一千五百宋末又僑立于淮陽

蛇丘令前漢屬泰山後漢晉太康地志屬濟北

盧令前漢屬泰山後漢晉太康地志屬濟北

穀城令前漢無後漢屬東郡晉太康地志屬濟北

平望令魏晉無

無鹽令魏晉無

宋書卷三十六

志第二十六

州郡二

南豫州

豫州

江州

青州

冀州

司州

南豫州刺史晉江左胡寇強盛豫部殲覆元帝永昌元年刺史祖約始自譙城退還壽春成帝咸和四年僑立豫州庾亮為刺史治蕪湖咸康四年毛寶為刺史治邾城六年荊州刺史庾翼鎮武昌

領豫州八年庾懌為刺史又鎮蕪湖穆帝永和元年刺史趙胤鎮
牛渚二年刺史謝尚鎮蕪湖四年進壽春九年尚又鎮歷陽十一
年進馬頭升平元年刺史謝奕戍譙哀帝隆和元年刺史表真自
譙退守壽春簡文咸安元年刺史桓冲戍姑孰太元十年刺史朱
序戍馬頭十二年刺史桓石虔戍歷陽安帝義熙二年刺史劉毅
戍姑孰宋武帝欲開拓河南綏定南豫土九年割揚州大江以西
天霽以北悉屬豫州豫基址因此而立十三年刺史劉義慶鎮壽
陽永初二年分淮東為南豫州治歷陽淮西為豫州文帝元嘉七
年又分五年割揚州之淮南宣城又屬焉徙治姑孰明帝泰始二
年又合而以淮南宣城還揚州九月又分還治歷陽三年五月又
合四年以揚州之淮南宣城為南豫州治宣城五年罷時自淮以
西悉沒寇矣七年復分歷陽淮陰南譙南兗州之臨江立南豫州
泰豫元年以南汝陰度屬豫州豫州之廬江度屬南豫州按江表
自永初至于大明便為南豫雖乍有離合而分立居多爰自泰始
甫失淮西復於淮東分立兩豫今南豫以淮東為境不復於此更
列二州覽者按此以淮東為境推尋便自得泰始兩豫分域地也
徐志領郡十三縣六十一戶三萬七千六百二口二十一萬九千
五百今領郡九縣九十一去京都水一百六十
歷陽太守晉惠帝永興元年分淮南立屬揚州安帝割屬豫州永
初郡國唯有歷陽南江龍亢三縣何徐又有鄧雍丘二縣今領縣
五戶三千一百五十六口一萬九千四百七十

歷陽今漢舊縣屬九江

烏江今二漢無晉書有烏江太康地志屬淮南

龍亢今漢舊名屬沛郡晉太康地志屬譙江左流寓立

雍丘令漢舊各屬陳留流寓立先屬泰山郡文帝元嘉八年度

鄧令漢屬沛晉太康地志屬譙流寓立文帝元嘉八年度

南譙太守別見譙郡晉孝武太元中於淮南僑立郡縣後割地志咸實土

郡國又有鄧縣何徐無今領縣六戶四千四百三十二口二萬二

千三百五十八去州水五百四十陸一百七十去京都水七百陸

五百

山桑令前漢屬沛後漢屬汝南晉太康地志屬譙

譙令漢屬沛晉太康地志屬譙

鉅令漢屬沛晉太康地志屬譙

扶陽令前漢屬沛後漢晉太康地志並無

蕪令別見

城父令前漢屬沛後漢屬汝南晉太康地志屬譙

廬江太守漢文帝六年分淮南國立光武建武十三年又省六安

國以併焉領縣三戶一千九百九口一萬一千九百九十七去州

水二千七百二十陸四百七十去京都水一千一百陸六百三十

一

潯令漢舊縣

舒令漢舊縣

始新令永初郡國何並無徐有始新左縣明帝泰始三年立

南汝陰太守別見汝陰郡江左立領縣五戶二千七百一口一萬九千五

百八十五去州陸三百去京都水一千陸五百三十

汝陰令別見所治即二漢晉合肥縣後省

慎令漢屬汝南太康地志屬汝陰

宋令見別

陽夏令前漢屬淮陽後漢屬陳晉太康地志陳令屬梁無復此縣又晉地志惠帝永康中復立永初郡國何並屬南梁徐志屬此

安陽令見別永初郡國何並屬南梁徐屬此

南梁太守梁郡晉孝武太元甲僭立於淮南安帝始有淮南故地屬徐州武帝永初二年還南豫孝武大明六年廢屬南豫改名淮南八年復舊永初郡國又有虞陽夏安豐三縣並別何徐無安豐又有義昌而並無寧陵縣今領縣九戶六千二百一十二口四萬二千七百五十四去州水一千八百陸五百去京都水一千七百陸七百

睢陽令漢舊名孝武大明六年改名壽春八年復舊前廢帝

永光有義寧寧昌二縣併睢陽所治即二漢晉壽春縣後省

蒙令見別

虞令漢舊名

穀孰令漢舊名

陳令前漢屬淮陽後漢屬陳晉太康地志屬梁

義寧長何無徐有宋末又立

新汲令漢舊名屬潁川

崇義令永初郡國羌人始立

寧陵見別徐志後所立

晉熙太守晉安帝分廬江立領縣五戶一千五百二十一口七千四百九十七去州陸八百無水去京都水一千二百無陸

懷寧令晉安帝立

新冶令晉安帝立

陰安令漢舊名屬魏郡晉太康地志屬頓丘

南樓令永初郡國何徐志無

太湖左縣長文帝元嘉二十五年以豫部蠻民立太湖呂亭

二縣晉熙後省明帝太始二年復立

弋陽太守本縣名屬汝南魏文帝分立領縣六戶三千二百七十

五口二萬四千二百六十二去州陸一千一百去京都水

期思令漢舊縣

弋陽令漢舊縣

安豐令舊郡晉安帝併為縣

樂安令新立

茹由令新立

安豐太守魏文帝分廬江立江左僑立晉安帝省為縣屬弋陽宋

未復立

安豐令前漢地理志無後漢屬廬江

松滋令別見

汝南太守別見

上蔡侯相別見

平輿令別見

北新息令別見

真陽令別見

安城令別見

南新息令別見

臨汝令漢舊名

陽安令見別

西平令見別

瞿陽令見別

安陽令見別

新蔡太守見別

緇陽令見別

固始令見別

新蔡令見別

東苞信令見別

西苞信令徐志南豫唯一苞信疑是後僑立所分

東郡太守見別永初郡國無萇平谷陽而扶溝別何無陽夏扶溝余

項令見別

西華令見別

陽夏令見別

萇平令見別

父陽令見別

南潁太守見別帖治陳郡

南潁令見別

和城令見別

潁川太守見別

邵陵令見別

臨潁令見別

曲陽令見別

西汝陰太守永初郡國何徐並無此

汝陰令見別

安城令見別

樓煩令見別

宋令見別

汝陽太守見別

汝陽令見別

武津令見別

陳留太守見別永初郡國無浚儀封丘而有酸棗何徐無封丘尉氏

浚儀令見別

黃令見別

離丘令見別

白馬令見別

襄邑令見別

封丘令漢舊名

尉氏令見別

南陳左郡太守少帝景平中省此郡以宋氏度屬南梁汝陰郡而永初郡國無禾詳孝建二年以蠻戶復立分赤官左縣為蓼城左縣領縣二樂疑大明八年省郡即名為縣屬陳左縣

邊城左郡太守文帝元嘉二十五年以豫部蠻民立茹由樂安光城雲婁邊城史水開化邊城七縣屬弋陽郡徐志有邊城兩領雲莫史水開化邊城兩縣大明八年復省為縣屬弋陽後復立領縣四戶四百一十七口二千四百七十九

雩婁令二漢屬廬江晉太康地志云屬安豐

開化令

史水令

邊城令

光城左郡太守永初郡國何徐並無按起居注大明八年省光城左郡為縣弋陽疑是大明中分弋陽所立八年復省後復立

樂安令

茹由令

光城令此三縣徐志屬弋陽

豫州刺史後漢治譙魏治汝南安成晉平吳後治陳國晉江左所治已列於前永初郡國何徐寄治睢陽而郡縣在淮西徐又有邊城別見南豫州何又有初安綏城二郡初安疑脫懷德二字綏

城領安昌招遠二縣並云新立徐無則是徐志前省也領郡十

四十三戶二萬二千九百一十九口一十五萬八百三十九

汝南太守漢高帝立領縣十一戶一萬一千二百九十一口八萬

九千三百四十九去州水一千陸七百去京都水三千陸一千五

百

上蔡令漢舊縣

平樂令漢舊縣

北新息令漢舊縣

慎陽令漢舊縣永初郡國及徐並作真陽

安城令漢舊縣

南新息令漢舊縣

朗陵令漢舊縣

陽安令漢舊縣

西平令漢舊縣

翟陽令漢舊縣作濯陽

安陽令漢舊縣晉武太康元年改為南安陽

新蔡太守晉惠帝分汝陰立今帖治汝南領縣四戶二千七百七

十四口一萬九千八百八十去州陸六百去京都水二千五百陸

一千四百

新蔡令漢舊縣晉成帝咸康二年省併新蔡後又立

固始令故名侵丘之地也漢光武更名晉成帝咸康二年併

新蔡後又立

新蔡令漢舊縣

苞信令前漢無後漢屬汝南晉太康地志屬汝陰後漢郡國

晉太康地志並作襄

譙郡太守何志故屬沛魏明帝分立按王粲詩既入譙郡舊作新

東曠然消人憂粲是建安中亡非明帝時立明矣永初郡國無長

垣縣今領縣六戶一千四百二十四口七千四百四去州陸道三

百五十去京都水二千陸一千二百

蒙令漢舊縣屬沛

鄆令漢舊縣屬沛

寧陵令前漢屬陳留後漢晉太康地志屬梁

魏令故魏郡流寓配屬

襄邑令

長垣令漢舊縣屬陳留永初郡國無何故屬陳留徐新配

梁郡太守秦陽郡漢高更名孝武大明元年度徐州二縣還豫領

縣二戶九百六十八口五千五百去州陸一百六十去京都水九百
下邑令漢舊縣何云魏立非也

陽令漢舊縣

陳郡太守漢高立為淮陽國章帝元和三年更名晉初併梁王彤
薨還為陳永初郡國有扶溝前漢屬淮陽後漢晉
太康地志屬陳留陽夏別見而無父陽長平
領縣四戶六百九十三口四千一百一十三去州陸七百六十去
京都水一千四百五十

項城令漢舊縣屬汝南晉太康地志屬陳郡

西華令漢舊縣屬汝南晉初省惠帝永康元年復立屬潁川

江左度此

父陽令本苦縣前漢屬陳晉太康地志屬梁成帝咸康三年
更名

長平令前漢屬汝南後漢屬晉太康地志屬潁川

南頓太守故屬汝南晉惠帝分立領縣二戶五百二十六口二千
三百六十五去州七百六十去京都陸一千四百五十

南頓令漢舊縣何故屬汝陽晉武帝改屬汝南按晉太康地

志王隱地道無汝陽郡

和成令何江左立

潁川太守秦立魏分潁川為襄城郡晉成帝咸康二年省襄城還

併潁川永初郡國又有許昌本昌許漢舊
縣魏曰許昌新汲別見臨陵長社潁陰陽翟四縣

並漢舊縣陽翟
魏亦屬河南六縣而無曲陽領縣三戶六百四十九口二千五百七

十九去州一千去京都陸一千八百

邵陵令漢舊縣屬汝南晉太康地志屬潁川

臨潁令漢舊縣

曲陽令前漢屬東海後漢屬下邳晉太康地志無

汝陽太守晉太康地志王隱地道無此郡應是江左分汝南立晉成帝咸康三年省併汝南後又立領縣二戶九百四十一口四千四百九十五去州二百去京都陸一千四百水三千五百

汝陽令漢舊縣屬汝南何故屬汝陰晉武改屬汝南按晉武分汝南為汝陰何所言非也

武津令何不注置立

汝陰太守晉武帝分汝南立成帝咸康二年省併新蔡後復立領縣四戶二千七百四十九口一萬四千三百三十五

汝陰令漢舊縣

宋令前漢名新都皇帝建初四年徙宋公國於此改曰宋

宋城令漢舊縣

樓煩令漢舊縣屬雁門流寓訛屬

陳留太守漢武帝元狩元年立屬兗州中原亂廢晉成帝咸康四年復立永初郡國屬兗州何徐屬涿州永初郡國無浚儀有酸棗別令領縣四戶自九十六口二千四十一十三寄治譙郡長垣縣界

浚儀令漢舊名

小黃令漢舊名

白馬令漢屬東郡晉太康地志屬濮陽

離丘令漢舊名

江州刺史晉惠帝太康元年分揚州之豫章鄱陽廬陵臨川南康建安晉安荊州之武昌桂陽安城十郡為江州初治豫章成帝咸康六年移治尋陽庾悅又治豫章尋還尋陽領郡九縣六十五戶五萬二千三十三口三十七萬七千一百四十七去京都水一千

尋陽太守尋陽本縣名因水名縣水南注江二漢屬廬江吳立蕪
春郡尋陽縣屬焉晉武帝太康元年省蕪春郡以尋陽屬武昌改
蕪春之安豐為高陵及邾縣皆屬武昌二年以武昌之尋陽復屬
廬江郡惠帝永興元年分廬江武昌立尋陽郡尋陽縣後省領縣
三戶二千七百二十口一萬六千八郡既立治此

柴桑男相二漢屬豫章晉屬武昌漢晉太康地志屬豫章立
尋陽郡後割度

松滋伯相前漢屬廬江後漢無晉太康地志屬安豐

安豐縣名前漢無後漢屬廬江晉武帝立為安豐郡江左流
民寓尋陽僑立安豐松滋二郡遙隸揚州安帝省為松滋

縣尋陽又有弘農縣流寓文帝元嘉十八年省併松滋

豫章太守漢高帝立本屬揚州永初郡國有海昏
縣十二戶一萬六千一百三十九口一十二萬二千五百七十三
去州水六百陸三百五十去京都水一千九百陸二千一百

南昌侯相漢舊縣

新淦侯相漢舊縣

豐城侯相吳立曰富城晉武帝太康元年更名

建城侯相漢舊縣

望蔡子相漢靈帝中平中汝南上蔡民分徙此地立縣名曰

上蔡晉武帝太康元年更名

吳平侯相漢靈帝中平中立曰漢平吳更名

永修男相漢靈帝中平中立

建昌公相漢和帝永元十六年分海昏立

豫寧侯相漢獻帝建安中立吳曰要安晉武帝太康元年更名

康樂侯相吳孫權黃武中立曰陽樂晉武帝太康元年更名

新吳令漢靈帝中平中立

艾侯相漢舊縣

鄱陽太守漢獻帝建安十五年孫權分豫章立治鄱陽縣赤烏八年徙治吳芮故城永初郡國有歷陵縣漢舊縣何志無領縣六戶三千二百四十二口一萬九百五十去州水四百四十去京都水一千八百四十陸二千六十

廣晉令吳立曰廣昌晉武帝太康元年更名

鄱陽侯相漢舊縣

餘干令漢舊縣

上饒男相吳立太康地志有王隱地道年

葛陽令吳立

樂安男相吳立

臨川內史吳孫亮太平二年分豫章東部都尉立領縣九戶八九百八十三口六萬四千八百五去州水一千一百陸一千二百去京都水二千八百三十陸三千

臨汝侯相漢和帝永元八年立

西豐侯相吳立曰西平晉武帝太康元年更名

新建侯相吳立

永城男相吳立

宜黃侯相吳立

南城男相漢舊縣晉武帝太康元年更曰新南城江左復舊

南豐令吳立

東興侯相吳立

安浦男相吳立

廬陵太守廬陵本縣名屬豫章漢獻帝興平元年孫策分豫章立領縣九戶四千四百五十五口三萬一千二百七十一去州水二千陸一千六百去京都水三千六百

石陽子相前漢無後漢有

西昌侯相吳立

東昌子相吳立

吉陽男相吳立

巴丘男相吳立

興平侯相吳立

陽豐男相吳曰陽城晉武帝太康元年更名

高昌男相吳立

遂興男相吳立曰新興晉武帝太康元年更名永初郡國無

此縣何徐並有

安城太守孫皓寶鼎二年分豫章廬陵長沙立晉太康地志屬荆州領縣七戶六千一百一十六口五萬三百二十三去州水三千三百陸三千六百去京都水三千七百無陸

平都子相前漢曰安平後漢更名屬豫章

新喻侯相吳立

宜陽子相漢舊縣本名宜春屬豫章晉孝武改名

永新男相吳立

安復侯相漢舊縣本名安成晉武帝太康元年更名屬長沙

萍鄉侯相吳立

廣興侯相晉太康地志有此縣何云江左立非也

公相晉武帝太康三年以廬陵南部都尉立領縣七戶四千四百九十三口三萬四千六百八十四去州水三千七百四十去京都水三千八十

贛侯相漢舊縣屬豫章

寧都子相吳立曰楊都晉武帝太康元年更名

雩都侯相漢舊縣屬豫章

平固侯相吳立曰平陽晉武帝太康元年更名

南康公相吳立曰安南晉武帝太康元年更名

陂陽男相吳立曰揭陽晉武帝太康五年以西康揭陽移於故陂陽縣改曰陂縣然則陂陽先已為縣矣後漢郡國

疑是吳所立而改曰揭陽也

南野伯相漢舊縣屬豫章

虔化男相孝武大明五年以虔化屯立

南新蔡太守江左立領縣四戶一千七百三十口八千八百四十八去州水二百去京都水一千三百七十陸一千八百八十

苞信令別本作褒信永初郡國作苞信

慎令漢舊名本屬汝南

宋令別徐志云宋樂後復舊

陽唐左縣令孝武大明八年立

建安太守本闔越秦立為閩中郡漢武帝世闔越反滅之徙其民於江淮間虛其地後有遁逃山谷者頗出立為冶縣屬會稽司馬彪云章安是故冶然則臨海亦冶地也張勃吳錄云閩越王冶鑄

地故曰安閩王治此不應偏以受名蓋勾踐冶鑄之所故謂之冶
乎閩中有山名湛疑湛山之鑪鑄劍為湛鑪也後分冶地為會稽
東南二部都尉東部臨海是也南部建安是也吳孫休永安三年
分南部立為建安郡領縣七疑戶三千四十二口一萬七千六百
八十六去州水二千三百八十去京都水三千四十並無陸

吳興子相漢末立曰漢興吳更名

將樂子相晉太康地志有

邵武子相吳立曰昭武晉武帝更名

建陽男相晉太康地志有

綏成男相永初郡國何徐並有何徐不注置立

沙村長永初郡國何徐並有何徐不注置立

安太守晉武帝太康三年分建安立領縣五戶二千八百四十

三口一萬九千八百二十八去州水三千九百九

千五百八十

侯官缺相前漢無後漢曰東侯官屬會稽

原豐令晉武帝太康三年省建安與船枝尉立

晉安男相吳立曰東安晉武帝更名

羅江男相吳立屬臨海晉武帝立晉安郡度屬

溫麻令晉武帝太康四年以溫麻船屯立永初郡國無何徐

並有

青州刺史治臨淄江左僑立治廣陵安帝義熙五年平廣固北青
州刺史治東陽城而僑立南青州如故後省南青州而北青州直
曰青州孝武孝建二年移治歷城大明八年還治東陽明帝失淮
北於鬱州僑立青州立齊北海西海郡舊州領郡九縣四十六戶

四萬五百四口四十萬二千七百二十九去京都陸二千
齊郡太守秦立領縣七戶七千三百四十六口萬四千八百八十
九

臨淄令漢舊縣

西安令漢舊縣

安平令六國時其地曰安平二漢魏晉曰東安平前漢屬淄

川後漢屬北海魏度屬齊

般陽令前漢屬濟南後漢晉太康地志屬齊

廣饒令漢舊縣

昌國令漢舊縣

益都令魏立

濟南太守漢文帝十六年八公齊立晉世濟岷郡二魏平蜀徙蜀豪

將家於濟河故立此郡安帝義熙中土斷并濟南案晉太康地志

無濟岷郡永初郡國濟南又有祝阿二漢屬平原晉於陵縣漢舊而無朝

陽平陵二縣領縣六戶五千五十六口三萬八千一百七十五去

州陸四百去京都二千四百

廣城令漢舊縣

朝陽令前漢曰朝陽後漢晉曰東朝陽二漢屬濟南晉太康

地志屬樂安

著令漢舊縣

土鼓令漢舊縣晉無

逢陵令二漢晉無永初郡國何徐有

平陵令漢舊縣至晉並曰東平陵

樂安太守漢高立名千乘和帝永元七年更名領縣三戶二千二

百五十九口一萬四千九百九十一去州陸一百八十去京都陸一千八百

千乘令漢舊縣

臨濟令前漢曰狄安帝永初二年更名

博昌令漢舊名

高密太守漢文帝分齊為膠西宣帝太始元年更名高密光武建

武十三年併北海晉惠帝又分城陽城陽郡前漢有後漢無魏復分北海立宋孝宗併北海

領縣六戶二千三百四口一萬三千八百二去州陸一百去京都

陸一千六百

黔俶令前漢屬琅邪後漢屬東萊晉太康地志屬城陽

淳于令二漢屬北海晉太康地志屬城陽

高密令前漢屬高密後漢屬北海晉太康地志屬城陽

夷安令前漢屬高密後漢屬北海晉太康地志屬城陽

營陵令二漢屬北海晉太康地志屬城陽

昌安令漢安帝延光元年立屬高密後漢屬北海晉太康地

志屬城陽

平昌太守故屬城陽魏文帝分城陽立後省晉惠帝又立領縣五

戶二千二百七十口一萬五千五十去州陸二百去京都陸一千

七百

安丘令二漢屬北海晉太康地志屬琅邪

平昌令前漢屬琅邪後漢屬北海晉太康地志屬城陽

東武令二漢屬琅邪晉太康地志屬東莞

琅邪令二漢屬琅邪晉太康地志無

朱虛令前漢屬琅邪安帝永初元年屬北海晉太康地志屬

城陽

北海太守漢景帝十二年立領縣六戶三千九百六十八口三萬五千九百九十五寄治州下

都昌令漢舊縣寄治州下餘依本治

膠東令本膠東國後漢晉太康地志屬北海

劇令二漢屬北海晉太康地志屬琅邪

卽墨令前漢屬膠東後漢晉太康地志屬北海

下密令前漢屬膠東後漢晉太康地志屬北海

平壽令漢舊縣

東萊太守漢高帝立領縣七戶一萬一百三十一口七萬五千一百四十九去州陸五百去京都二千一百

曲城令漢舊縣

掖令漢舊縣

掖令漢舊縣

盧鄉令漢舊縣

牟平令漢舊縣

當利令漢舊縣

黃令漢舊縣

太原太守秦立屬并州文帝元嘉十年割濟南太山立領縣三戶二千七百五十七口二萬四千六百九十四去州陸五百去京都一千八百

山莊令漢舊縣屬泰山孝武

太原令晉安帝義熙中土斷立屬太山

祝阿令

別見

長廣太守本長廣縣前漢屬琅邪後漢屬東萊晉太康地志云故屬東萊起居注咸寧三年以齊東郡縣為長廣郡領縣四戶二千九百六十六口二萬二十三去州五百去京都一千九百五十

不其令前漢屬琅邪後漢屬東萊晉太康地志屬長廣
長廣令前漢屬琅邪後漢屬東萊晉太康地志屬長廣

昌陽令晉惠帝元康八年分長廣縣立

挺令前漢屬膠東後漢屬北海晉太康地志屬長廣

冀州刺史江左立南冀州後省義熙中更立治青州又省文帝元嘉九年又分青州立歷城割土置郡縣領郡九縣五十戶三萬八千七十六口一十八萬一千一十去京都陸二千四百

廣川太守本縣名屬信都地理志不言始立景帝二年以為廣川國宣帝甘露三年復明帝更名樂安安帝延光中改曰安平晉武

帝太康五年又改為長樂廣川縣前漢屬信都後漢屬清河魏屬勃海晉還清河何志廣川江左所立又有落縣前漢屬信都後漢屬勃海而無廣

川孝武大明元年省廣川之棗強前漢屬清河後漢屬江左無勃海之浮陽高城其後

立廣川縣非舊廣川縣也屬廣川郡領縣四戶三千二百五十口二萬三千六百一十四去州陸一百六十去京都陸一千九百八

廣川令已見

中水令前漢屬涿後漢晉太康地志屬河間孝武大明七年自河間割度

武強令何江左立

索盧令何江左立

平原太守漢高帝立舊屬青州魏晉屬冀州領縣八戶五千九百

一十三口二萬九千二百六十七

廣宗令前漢無後漢屬鉅鹿晉太康地志屬安平永初郡國何無孝武大明元年復立

平原令漢舊縣

高令漢舊縣

安德令漢舊縣

平昌令漢舊縣後漢晉太康地志曰西平昌

般縣令漢舊縣

在平令前漢屬東郡後漢屬濟北晉太康地志屬平原

高唐令漢舊縣

清河太守漢立桓帝建和二年改曰甘陵魏復舊何有重合縣別見須縣七戶三千七百九十四口二萬九千二百七十四去州一百一十去京都陸一千八百

清河令二漢無晉太康地志有

武城令漢舊縣並曰東武城

繹幕令漢舊縣

貝丘令漢舊縣

零令漢舊縣作靈

郟令漢舊縣

安次令前漢舊縣屬勃海後漢屬廣陽晉太康地志屬燕國

樂陵太守晉武帝分平原立舊屬青州今度屬領縣五戶三千一

百三口一萬六千六百六十一去州一百四十五去京都陸一千八

百

樂陵令漢舊縣故屬平原

陽信令二漢屬勃海晉太康地志屬樂陵

新樂令別見

厭次令前漢曰富平明帝更名屬平原晉太康地志屬樂陵

涇沃令前漢屬千乘後漢無何云魏立當是魏復立也晉太

康地志屬樂陵

魏郡太守漢高帝立二漢屬冀州魏晉屬司隸江左慕容置宋孝

武又僑立何無領縣八戶六千四百五口三萬三千六百八十二

魏令漢舊縣

安陽令晉太康地志有

聊城令漢屬東郡晉屬平原

博平令漢屬東郡晉屬平原

肥鄉令晉太康地志屬廣平

高平令前漢屬涿後漢屬中山晉太康地志屬高陽

立屬高陽大明七年度此

頓丘令別見文帝元嘉一十八年流民歸順孝武孝建二年立

臨邑令漢屬東郡晉屬濟北孝武孝建二年與頓丘同立

河間太守漢文帝二年分趙立江左屢省置宋孝武又僑立何無

領縣六戶二千七百八十一口一萬七千七百七

樂城令漢舊縣

城平令前漢屬勃海後漢晉太康地志屬河間

武垣令前漢屬涿後漢晉太康地志屬河間

章武令二漢屬勃海晉太康地志屬章武江左立屬廣川孝

武大明七年度此

南皮令漢舊縣屬勃海孝武始立屬勃海大明七年度此

阜城令前漢勃海有阜城縣續漢安平有阜城縣注云故昌
城漢信都有昌城未詳孰是

頓丘太守別江左屢省置孝武又僑立何無領縣四戶二千二百三
十八口三千八百五十一

頓丘令別見

衛國令晉太康地志有肥陽令何志以前無

陰安令二漢屬魏

陽平晉屬頓丘

高陽太守高陽前漢縣名屬涿後漢屬河間晉武帝泰始元年分
涿為范陽又屬焉後又分范陽為高陽江左屢省置孝武又僑立
何無領縣五戶二千二百九十七口一萬四千七百二十五

安平令前漢屬涿後漢屬安平晉太康地志屬博陵

饒陽令前漢屬涿續漢安平有饒陽縣注云故名饒屬涿
地理涿唯有饒陽縣無饒縣

鄴令漢舊縣屬魏郡江左避愍帝諱改曰臨漳孝武始立屬

魏郡大明七年度此

高陽令見已

新城令前漢屬中山後漢屬涿晉太康地志高陽並曰北新
城

勃海太守漢高帝立屬幽州後漢晉屬冀州江左省置孝武又僑
立何無領縣三戶一千九百五十口萬二千二百六十六

長樂令晉之長樂郡也疑是江左省為縣至是又立

菑令別見何志區廣
川徐志屬此

重合令漢舊縣

司州刺史漢之司隸校尉也晉江左以來淪沒戎寇雖永和太元王化暫及太和隆安還復湮陷牧司之任示舉大綱而已縣邑尸口不可具知武帝北平關洛河南底定置司州刺史治虎牢領河

南漢舊滎陽晉武帝太始元年分河南立弘農漢舊實土三郡河南領洛陽河南鞏緱

氏新城梁並漢河陰晉太康地志有陸渾漢舊縣屬弘農東垣二漢晉太康地志何有東垣縣新安二漢屬弘

封成臯北漢舊縣屬河南凡九縣弘農領弘農陝宜陽黽池盧氏並漢舊縣曲陽前漢屬東

凡七縣三郡合二十七縣一萬六千三百六戶又有河

內漢舊東京兆京兆別見二僑郡河內寄治河南領温野王軹河陽

沁水山陽懷平臯並漢舊名朝歌二漢屬河內晉太康地志屬凡十縣東京兆寄

治滎陽領長安漢舊縣萬年別見新豐別見藍田別見蒲阪二漢晉太康地志屬河東凡六縣合

十六縣一千九百九十二戶少帝景平初司州復沒北虜文帝元

嘉末僑立於汝南尋亦省廢明帝復於南豫州之義陽郡立

漸成實土焉領郡四縣二十去京都水二千七百陸一千七百

義陽太守魏文帝立後省晉武帝又立太康地志永初郡國何志

並屬荊州徐則南豫也明帝太始五年度郢州後廢帝元徽四年

屬司州領縣七戶八千三十一口四萬一千五百九十七

平陽侯相前漢無後漢屬江夏曰平春晉太康地志屬義陽

晉孝武改

鄆令二漢屬江夏晉太康地志屬義陽並作鄆音盲永初郡

國何並作鄆

鍾武令前漢屬江夏後漢晉太康地志無永初郡國屬義陽

寶城令孝武孝建三年分鄆立

義陽令晉太康地志有後省孝武孝建三年分平陽立

平春令孝武孝建三年分平陽立

環水長永初郡國何徐並無明帝泰始三年度屬宋安郡後

省宋安還此宋安本縣名孝武大明八年省義陽郡所統

東隨二左郡立為宋安縣屬義陽明帝立為郡

隨陽太守晉武帝分南陽義陽立義陽國太康年又分義陽為隨

國屬荊州孝武孝建元年度屬郢前廢帝永光元年度屬雍明帝

泰始五年還屬郢改為隨陽後廢帝元徽四年度屬司州徐志又

有革音縣今無領縣四戶四千六百去京都三千四百八十

隨陽子相漢隨縣屬南陽晉太康地志屬義陽後隨國與郡

俱改

水陽男相徐志有

關西令別見荊州宋末新立

西平林令宋末新立

安陸太守孝武孝建元年分江夏立屬郢州後廢帝元徽四年

司州徐志有安蠻縣永初郡國何並無當是何志後所立尋為

孝武大明八年省為縣屬安陸明帝太始初又立為左郡宋末又

省領縣二戶六千四十三口二萬五千八十四去京都水二千三

百

安陸公相漢舊縣屬江夏

江夏又有曲陵縣本名石陽吳立晉起居注太康元年改江

夏石陽曰曲陽明帝泰始六年併安陸

南汝南太守汝南郡別見

平輿令

北新息令

十一後分南陽順陽襄陽新亭竟陵為雍州湘川十郡為湘州江夏武陽屬郢州隨郡義陽屬司州北義陽省凡後十一郡文帝世又立宋安左郡領拓邊綏慕樂寧慕化仰澤華音歸德七縣後省改汶陽郡又度屬今領郡十二縣四十八戶六萬五千六百四去京都水三千三百八十

南郡太守秦立漢文帝元年為臨江國景帝中元年復故晉武帝太康元年改曰新郡尋復故宋初領縣九後州陵監利度屬巴陵旌陽文帝元嘉十八年省併枝江二漢無旌陽見晉太康地志疑是吳所立凡領六縣戶一萬四千五百四十四口七萬五千八十七

江陵公相漢舊縣

華容公相漢舊縣晉武太康元年省後復立

當陽男相漢舊縣

臨沮伯相漢舊縣晉太康永寧地志屬襄陽後度

編縣男相漢舊縣

枝江侯相漢舊縣

南平內史吳南郡治江南領江陵華容諸縣晉武帝太康元年分南郡江南為南平郡治作唐後治江安領縣四戶一萬二千三百九十二口四萬五千四十九去州水二百五十去京都水三千五百無陸

江安侯相晉武帝太康元年立

孱陵侯相二漢舊縣屬武陵晉太康地記屬南平

作唐侯相前漢無後漢屬武陵晉太康地記屬南平

安南令晉武帝分江安立

天門太守吳孫休永安六年分武陵立充縣有松梁山山有石石開處數十丈其高以弩仰射不至其上名天門因此名郡充縣後省孝武孝建元年度郢州明帝泰始三年復舊領縣四戶三千一百九十五去州水一千二百陸六百去京都水三千五百

豐陽令武晉帝大康四年立

臨豐令武晉帝大康四年立

零陽令漢舊縣屬武陵

漉中令二漢無晉太康地志有疑是吳記

宜都太守太康地志王隱地道何志並云吳分南郡立張勃吳錄云劉備立按吳志呂蒙平南郡據江陵陸遜別取宜都獲秭歸枝江夷道縣初權與劉備分荆州而南郡屬備則是備分南地立宜都非吳立也習鑿齒云魏武平荆州分南郡枝江以西為臨江郡

建安十五年劉備改為宜都領縣四戶一千八百四十三口三萬四千二百二十去州水三百五十無陸去京都水三千七百三十

夷道令漢舊縣

佷山男相前漢屬武陵後漢屬南郡晉武帝太康元年改為

興山後復舊

宜昌令何志晉武帝立按太康永寧地志竝無疑是此後所立

夷陵令漢舊縣吳改曰西陵晉武帝太康元年復舊

巴東公相譙周巴記云初平六年荆州帳下司馬趙旆建議分巴郡諸縣漢安以下為永寧郡建安六年劉璋改永寧為巴東郡以涪陵縣分立丹興漢葭二縣立巴東屬國都尉後為涪陵郡晉太康地志巴東屬梁州惠帝太安二年度益州穆帝永和初平蜀度

屬荊州永初郡國志無巴渠黽陽二縣領縣七戶一萬三千七百九十五口四萬五千二百三十七去州水一千三百去京都水四千六百八十

魚復侯相漢舊縣屬巴郡劉備章武二年改爲永安晉武帝

太康元年復舊

胸臆令漢舊縣屬巴郡

新浦令何志新立

南浦令劉禪建興八年十月益州牧闓子表改羊渠立羊渠

不詳何志吳立

漢豐令何志不注置立太康地志巴東有漢昌縣疑是

巴渠令何志不注置立

黽陽令何志不注置立晉末平吳時陝中立武陵郡有黽陽

黽陽縣咸寧元年並省

汶陽太守何志新立先屬渠州文帝元嘉十一年度宋初有四縣後省汶陽縣今領三縣戶九百五十八口四千九百一十四去州水七百陸四百去京都四千一百

僮陽令何志新立

沮陽令何志新立

高安令何志新立

南義陽太守義陽郡別見晉末以義陽流民僑立宋初有四縣孝武孝建

二年以平陽縣併厥西平陽本爲郡江左僑立魏世分河東爲平陽郡晉末省爲縣今領縣二戶一千六百七口九千七百四十一

厥西令二漢無晉太康地志屬義陽

平氏令漢舊名屬南陽

新興太守魏志建安二十年省雲中定襄五原朔方四郡郡立一縣合為此郡屬并州晉江左僑立宋初六縣後省雲中漢舊名屬雲中孝武孝建二年又省九原縣漢舊名屬五原併定襄宥渠流寓立併廣牧凡今領縣三戶二千三百一口九千五百八十四

定襄令漢舊名

廣牧男相漢舊名屬朔方

新豐令漢舊名屬京兆僑流立

南河東太守河東郡秦立晉成帝咸康三年征西將軍庾亮以司

州僑戶立宋初八縣孝武孝建二年以廣戚前漢屬沛後漢晉大康地志屬彭城江左流寓立併聞

喜弘農江左古僑郡臨汾併省為縣臨汾併松滋安邑併永安臨汾後屬陽平今領縣四戶

二千四百二十三口一萬四百八十七去州水一百二十去京都

水三千五百

開喜令故曲沃秦改為左邑漢武帝元鼎六年行幸至此

南越破改名聞喜

永安令前漢菟縣順帝陽嘉二年更名後屬平陽

松滋令前漢屬盧江後漢無晉屬安豐疑是有流民寓荆土

故立

譙縣令別見譙流民寓立

建平太守吳孫休永安三年分宜都立領信陵興山秭歸沙渠四

縣晉又有建平都尉領巫北井泰昌建始四縣晉武帝咸寧元年

改都尉為郡於是吳晉各有建平郡太康元年吳平併合五年省

建始縣後復立永初郡國有南陵建始信陵興山永新永寧平樂

七縣今並無按太康地志無南陵永新永寧平樂新鄉五縣疑是

江左所立信陵興山沙渠疑是吳立建始晉初所立也領縣七戶

一千三百二十九口二萬八百一十四去州水陸一千去京都水
四千三百八十

巫令漢舊縣

秭歸侯相漢舊縣

歸鄉公相何志故屬秭歸吳分按太康地志云秭歸有歸鄉

故夔子國楚滅之而無歸鄉縣何志所言非也

北井令晉太康地志有先屬巴東晉武帝泰始五年度建平

泰昌令晉太康地志有

沙渠令晉起居注太康元年立按沙渠是吳建平郡所領吳

平不應方立不詳

新鄉令

永寧太守晉安帝喬立為長寧郡宋明帝以名與文帝陵同

永寧宋初五縣後省經安晉安帝立武孝建二年後以儻陽晉安帝立併長寧

綏寧晉安帝立併上黃今領縣二戶一千一百五十七口四千二百七十

四去州陸六十去京都三千四百三十

長寧侯相晉安帝立

上黃男相宋初屬襄陽後度二漢晉並無此縣

武寧太守晉安帝隆安五年桓玄以沮漳降蠻立領縣二戶九百

五十八口四千九百一十四

樂鄉令晉安帝立

長林男相晉安帝立

鄧州刺史魏文帝黃初三年以荊州江北諸郡為鄧州其年罷并

荆非今地吳又立鄧州孝武孝建元年分荊州之江夏竟陵隨武

陵天門湘州之巴陵江州之武昌豫州之西陽又以南郡之州陵

監利二縣度屬巴陵立郢州天門後還荆領郡六縣三十九戶二萬九千四百六十九口十五萬八千五百八十七去京都水二千一百

江夏太守漢高帝立本屬荊州永初郡國及何志並治安陸此後治夏口又有安陸曲陵曲後別郡領縣七戶五千七十二口二萬三千八百一十

汝南侯相本沙羨土晉末汝南郡民流寓夏口因立為汝南縣沙羨令漢舊縣吳省晉武太康元年復立治夏口孝武太元三年省併沙陽後以其地為汝南實土

池陽子相江左立

孝昌侯相永初郡國何志竝無徐志有疑是孝武世所立惠懷子相江左立

沙陽男相一漢舊縣本名沙羨屬武昌晉武帝太康元年改名又立沙羨而沙陽徙今所治文帝元嘉十六年度巴陵孝武孝建元年度江夏

澠陽子相晉惠帝世安陸人朱伺為陶侃將求分安陵東界為此縣

蒲圻男相晉武帝太康元年立本屬長沙文帝元嘉十六年度巴陵孝武孝建元年度江夏

竟陵太守晉惠帝元康九年分江夏西界立何志又有宋縣徐無領縣六戶八千五百九十一口四萬四千三百七十五去州水一千四百去京都水三千四百

萇壽令明帝泰始六年立
竟陵侯相漢舊縣屬江夏

新市子相漢舊縣屬江夏

宵城侯相永初郡國有何徐不注置立

新陽男相永初郡國有何徐不注置立

雲杜侯相漢舊縣屬江夏

武陵太守前漢地理志高帝立續漢郡國志云秦昭王立名黔中郡高帝五年更名本屬荊州領縣十戶五千九十口三萬七千五百五十五去州水一千去京都水三千

臨沅男相舊縣

龍陽侯相晉太康地理志何志吳立

漢壽伯相前漢立後漢順帝陽嘉三年更名吳曰吳壽晉武帝復舊

沅南令漢光武建武二十六年立

遷陵侯相漢舊縣

辰陽男相漢舊縣

舞陽令前漢作無陽後漢無晉太康地志有

酉陽長漢舊縣

黟陽長二漢無晉太康地志有

沅陵令漢舊縣

巴陵太守文帝元嘉十六年分長沙之巴陵蒲圻下雋江夏之沙陽四縣立屬湘州孝武孝建元年割南郡之監利州陵度江夏屬鄂州二年又度長寧之綏安屬巴陵何志訖元嘉二十年巴陵郡以十六年立應在何志而闕領縣四戶五千一百八十七口二萬五千三百一十六去州水五百去京都水二千五百

巴陵男相晉武帝太康元年立屬長沙本領度支校尉立郡

省

下雋侯相漢舊縣屬長沙

監利侯相按晉起居汪太康四年復立南郡之監利縣尋復省之言由先有而被省也疑是吳所立又是吳所省孝武孝建元年度

州陵侯相漢舊縣屬南郡晉武帝太康元年復立疑是吳所省也孝武孝建元年度明帝泰始四年以綏安縣併州陵武昌太守晉起居汪太康元年改江夏為武昌郡領縣三戶二千五百四十六口一萬一千四百一十一去京都水一千一百

武昌侯相魏文帝黃初三年孫權改鄂為武昌陽新侯相吳立

鄂令漢舊縣屬江夏吳改鄂為武昌晉武帝太康元年復立鄂縣而武昌如故

西陽太守本縣名二漢屬江夏魏立弋陽郡又屬焉晉惠帝又弋陽為西陽國屬豫州宋孝武孝建元年度鄂州明帝太始五年又度豫後又還鄂永初郡國何徐並有弋陽縣今領縣十戶二千九百八十三口一萬六千一百二十去州水二百八十去京都水一千七百二十

西陽令漢舊縣屬江夏後屬弋陽

西陵男相漢舊縣屬江夏後屬弋陽

孝寧侯相本軼縣漢舊縣孝武自此伐逆卽位改名
新陽令二漢江夏郡有新春縣吳立為郡晉武帝太康元年省為新春郡而縣屬弋陽後屬新蔡孝武大明八年還西

陽

義安令明帝泰始二年以來流民立

蕪水左縣長文帝元嘉二十五年以豫部蠻民立建昌南川
長風赤亭營亭陽城彭波遷溪東丘東安西安南安房田
希水高坡直水蕪水清石十八縣屬西陽孝武大明八年
赤亭彭波併陽城其餘不詳何時省

東安左縣長前廢帝永光元年復以西陽蕪水已水希水三
屯為縣

建寧左縣長孝武大明八年省建寧左郡為縣屬西陽徐志
有建寧縣當是此後為郡

希水左縣長

陽城左縣長本屬建寧左郡孝武大明八年省西陽之赤亭

陽城彭城三縣併建寧之陽城縣而以縣屬西陽

湘州刺史晉懷帝永嘉元年分荊州之長沙衡陽湘東邵陵零陵

營陽建昌江州之桂陽八郡立治臨湘成帝咸和三年省安帝義
熙八年復立十二年又省宋武帝永初三年又立文帝元嘉八年
省十七年又立二十九年又省孝武孝建元年又立建昌郡晉惠
帝元康九年分長沙東北下雋諸縣立成帝咸康元年省元嘉十
六年立巴陵郡屬湘州後度郢領郡十縣六十二戶四萬五千八
十九口三十五萬七千五百七十二去京都水三千三百
長沙內史秦立宋初十縣下雋蒲圻巴陵屬巴陵今領縣七戶五
千六百八十四口四萬六千二百一十三

臨湘侯相漢舊縣

醴陵侯相後漢立

瀏陽侯相吳立

吳昌侯相後漢立曰漢昌吳更名

羅縣侯相漢舊縣

攸縣子相漢舊縣

建寧子相吳立

衡陽內史吳孫亮太平二年分長沙西部都尉立領縣七戶五千七百四十六口二萬八千九百九十一去州水二百二十去京都水三千七百

湘西令吳立

湘南男相漢舊縣屬長沙

益陽侯相漢舊縣屬長沙

湘鄉男相前漢無後漢屬零陵

新康男相吳曰新陽晉武帝太康元年更名

重安侯相前漢曰鍾武後漢順帝永建三年更名屬零陵

衡山男相吳立曰衡陽晉惠帝更名

桂陽太守漢高立屬荊州晉惠帝元康元年度江州領縣六戶二千二百一十九口二萬二千一百九十二去州水一千四百去京都水四千九百四十

郴縣伯相漢舊縣

耒陽子相漢舊縣

南平令漢舊縣

臨武令漢舊縣

汝成令江左立

晉寧令漢順帝永和元年立曰漢寧吳改曰陽安晉武帝太康元年改曰晉寧

零陵內史漢武帝元鼎六年立領縣七戶三千八百二十八口六萬四千八百二十八去州一千四百去京都水四千八百

泉陵子相漢舊縣

洮陽侯相漢舊縣

零陵子相漢舊縣

祁陽子相吳立明帝泰始初度湘東五年復舊

應陽男相晉惠帝分觀陽立

觀陽男相吳立

永昌令吳立

營陽太守江左分零陵立領縣四戶一千六百八口二萬九百二十七去州水一千七百一去京都水五千五百五十

營浦侯相漢舊縣屬零陵

營道侯相漢舊縣屬零陵

春陵令前漢舊縣春陵侯徙國南陽省吳復立屬零陵

泠道令漢舊縣屬零陵

湘東太守吳孫亮太平二年分長沙東部都尉立晉世七縣孝武

太元二十年省鄱漢舊縣利陽新平張勃吳錄云此三縣利作利晉在利音三縣今領縣五戶一

千三百九十六口一萬七千四百五十去州水陸七百去京都水

三千六百

臨烝伯相吳屬衡陽晉太康地志屬湘東

新寧令吳立

茶陵子相漢舊縣屬長沙

湘陵男相後廢帝元徽二年分益陽羅湘西及巴峽流民立

陰山合陰山乃是漢舊縣而屬桂陽吳湘東郡有此陰山縣

疑是吳所立

邵陵太守吳孫皓寶鼎元年分零陵北部都尉立領縣七戶一千九百一十六口二萬五千五百六十五去州水七百陸一千三百去京都水四千五百

邵陵子相何志屬長沙按二漢無吳錄屬邵陵

武剛令晉武帝分都梁立

建興男相晉武帝分邵陵立

高平男相吳立晉武帝太康元年改曰南高平後更曰高平

都梁令漢舊縣屬零陵

邵陽男相吳立曰昭陽晉武改

扶縣令漢舊縣至晉曰夫夷漢屬零陵晉屬邵陵案今云扶者疑是避桓溫諱去夷夫不可為縣名故為扶云

廣興公相吳孫皓甘露元年分桂陽南都尉立為始興郡晉武帝平吳以屬廣州成帝度荊州宋文帝元嘉二十九年又度廣州三十年復度湘州明帝泰始六年立岡溪縣割始興之封陽陽山含涇四縣立宋安郡屬湘州太豫元年復欽省岡溪縣改始興曰廣興領縣七戶一萬一千七百五十六口七萬六千三百二十八去州水二千三百九十去京都水五千

曲江侯相漢舊縣屬桂陽

桂令漢舊縣屬桂陽

陽山侯相漢舊縣後漢曰陰山屬桂陽吳始興郡無此縣當是晉後立

貞陽侯相漢舊縣名涇陽屬桂陽宋明帝泰始三年改涇為

舍涯男相漢舊縣屬桂陽

始興令吳立

中宿令漢舊縣屬南海吳度

臨慶內史吳分蒼梧立為臨賀郡屬廣州晉成帝度荊州宋文帝元嘉二十九年度廣州三十年復度湘州明帝改名領縣九戶三千七百一十五口三萬一千五百八十七去州水陸二千八百去京都水陸五千五百七十

臨賀侯相漢舊縣晉太康地志王隱云屬南海而二漢屬蒼梧當是吳新度

馮乘侯相漢舊縣屬蒼梧

富川令漢舊縣屬蒼梧

封陽侯相漢舊縣

興安侯相吳立曰建興晉武帝太康元年更名

謝沐長漢舊縣屬蒼梧

寧新令二漢無當是吳所立屬蒼梧晉武帝太康元年更名開建令文帝分封陽立宋昌宋興開建武化往往生永固經

南七縣後又分開建武化宋昌三縣立宋建郡屬廣州孝武大明元年悉省唯餘開建縣

撫寧令宋末立

始建內史吳孫皓甘露元年分零陵南部都尉立始安郡屬廣州晉成帝度荊州宋文帝元嘉二十九年度廣州三十年復度湘州明帝改名領縣七戶三千八百三十口二萬二千四百九十去州水二千八十陸二千六百三十去京都水五千五百九十

始安子相漢舊縣屬零陵

熙平令吳立為尚安晉武改

永豐男相吳立

荔浦令漢舊縣屬蒼梧

平樂侯相吳立

建陵男相吳立屬蒼梧宋末度

樂化左令宋末立

雍州刺史晉江左立胡亡氏亂雍秦流民多南出樊沔晉孝武始於襄陽僑立雍州并立僑郡縣宋文帝元嘉二十六年割荊州之襄陽南陽新野順陽隨五郡為雍州而僑郡縣猶寄寓在諸郡界孝武大明中又分實土郡縣以為僑郡縣境徐志雍州有北上洛北京兆義陽三郡北上洛晉孝武立領上洛北商鄧陽陽亭北拒陽五縣北京兆領北藍田霸城山北三縣並云景平中立義陽三

晉安帝立領平氏襄鄉二縣鄧陽陽亭北拒陽並云安帝立餘縣不注置立今並無此三郡今領郡十七縣六十戶三萬八千九百七十五口十六萬七千四百六十七去京都水四千四百陸二千一百

襄陽公相魏武帝平荊州分南郡編以北及南陽之山都立屬荊州魚豢云魏文帝立永初郡國何志並有宜城漢舊縣屬南郡都上黃縣漢舊縣屬南郡徐志無領縣三戶四千二十四口一萬六千四百九十六

襄陽令漢舊縣屬南郡

中廬令漢舊縣屬南郡

郎縣令漢舊縣屬南郡

南陽太守秦立屬荊州永初郡國有比陽魯陽赭陽西鄂犍葉雒博望八縣並漢舊縣何志無犍雒徐志無比陽魯陽赭陽西鄂博望而有

葉餘並同孝武大明元年省葉縣領縣七戶四千七百二十七口
三萬八千一百三十二去州三百六十去京都水四千四百

宛縣令漢舊縣

涅陽令漢舊縣

云陽男相漢舊縣故名育陽晉孝武改

冠軍令漢舊縣武帝分穰立

鄧縣令漢舊縣

舞陰令漢舊縣

許昌男相徐志無此後所立本屬潁川

新野太守何志晉惠帝分南陽立永初郡國何志有棘陽別蔡陽

鄧縣並漢舊縣徐無孝武大明元年省蔡陽今領縣五戶四千二百三十

五口一萬四千七百九十三去州一百八十去京都水四千五百

八十

新野侯相漢舊縣屬南陽文帝元嘉末省孝武大明元年復

立

山都男相漢舊縣屬南陽晉太康地志屬襄陽永初郡國及

何徐屬新陽

池陽令漢舊名屬馮翊晉太康地志屬京兆僑立亦屬京兆

孝武大明中土斷又屬此

穰縣令漢舊縣屬南陽

交木令孝武大明元年立

順陽太守魏分南陽立曰南鄉晉武帝更名成帝咸康四年復立

南鄉後復舊永初郡國及何志有朝陽武當鄧陰沅陽並別折前漢

屬南陽農後漢脩陽唯見永初郡國凡八縣徐志唯增朝陽朝陽孝武大明元年省領

縣七戶四千一百六十三口二萬三千一百六十三

南鄉令前漢無後漢有屬南陽

槐里男相漢舊名屬扶風晉太康地志屬始平僑立亦屬始

平大明土斷屬此

順陽侯相前漢曰博山後漢明帝更名屬南陽

清水令前漢屬天水後漢為天水漢陽無此縣晉太康地志

屬略陽僑立屬始平大明土斷屬此

朝陽令漢舊縣

丹水令前漢屬弘農後漢屬南陽何志魏立非也

鄭縣令漢舊名屬京兆僑立亦屬京兆後度此

京兆太守故秦內史漢高帝元年屬塞國二年更為渭南郡九年
罷復為內史武帝建元六年分為右內史太初元年更為京兆尹

魏改為京兆永初僑立寄治襄陽朱序沒氏考武太元十一年

立大明土斷割襄陽西界為實土雍州僑郡先屬府武帝永初元

年屬州永初郡國有藍田漢舊縣鄭池並別南霸城本霸陵舊縣太康地志曰霸城何志初地新

康五縣何志無新康而有新豐徐無孝武大明元年省京兆之盧

氏藍田霸城縣盧氏當是何志後所立二漢屬弘農晉太康地志

屬上洛新康疑是晉末所立領縣三戶二千三百七口九千二百

二十三

杜令二漢曰杜陵魏改

鄧縣令漢舊縣屬南陽

新豐令漢舊縣

始平太守晉武帝太始二年分京兆扶風立後分京兆扶風僑立

治襄陽今治武當永初郡國唯有始平平陽清水見別三縣何志有槐

里別宋靈宋嘉何志三縣而清水始平與永初郡國同領縣四戶二千七百九十七口五千五百十二

武當侯相漢舊縣屬南陽後屬順陽

始平令魏立

武功令漢舊名故屬扶風晉太康地心屬始平

平陽子相江左平陽郡民流寓立此

扶風太守故秦內史高帝元年屬雍國二年更為中地郡九年罷後為內史武帝建元六年分為右內史太初元年更名為右扶風僑立治襄陽今治筑口永初郡國及何志准有郡魏昌縣魏昌屬中孝武大明元年省魏昌領縣三戶二千一百五十七口七千二百九十

筑陽令漢舊縣屬南陽又屬順陽大明土斷屬此

鄧縣令漢舊縣屬扶風晉太康地志屬秦國

沔陽令晉武帝太康五年立屬南鄉仍屬順陽大明土斷屬此

南上洛太守永初郡國何志雍州並有南上洛郡寄治魏興今梁州之上洛是也北上洛蓋是何志以後僑立耳今治曰徐志雍州南上洛晉武帝立北上洛云晉孝武立非也徐有南北陽亭陽安縣不注置立今領縣二戶一百四十四口四百七十七

上洛男相別

商縣令別

河南太守故秦三川郡漢高帝更名光武都雒陽建武五年改曰河南尹僑立始治襄陽孝武大明中分沔北為境永初郡國及何志並又有陽城緱氏縣漢舊名并屬河南徐無也三縣而有僑洛陽漢舊名陽城縣

孝武大明元年省洛陽當是何志後立領縣五戶三千五百四十一口一萬三千四百七十去州陸三十五

河南令漢舊名

新城令漢舊名

河陰子相魏立

棘陽令漢縣故屬南陽晉太康地志屬義陽後屬新野大明

土斷屬此

襄鄉令前漢無後漢有屬南陽徐志屬義陽當是大明土斷

屬此

廣平太守見別江左僑立治襄陽今為實土永初郡國及何志並又

有易陽曲周邯鄲並見無鄴比陽徐無復邯鄲縣易陽曲周孝武大

明元年省邯鄲應是土斷省領縣四戶二千六百二十七口六

二百九十三

廣平令漢舊名徐志南度以朝陽縣境立

鄴縣令漢舊縣屬南陽後屬順陽

比陽令漢舊縣屬南陽

陰縣令漢舊縣屬南陽

義成太守晉孝武立治襄陽今治均永初郡國又有下蔡平阿縣

二縣前漢屬沛後漢屬九江晉太康地志屬淮南何一以孝武大明元年省下蔡始亦流寓立也平阿

當是何志後省領縣二戶一千五百二十一口五千一百一

義成侯相晉孝武立

萬年令漢舊名屬馮翊

馮翊太守故秦內史高帝元年屬塞國三年更名爲河上郡九年

罷復爲內史武帝建元六年分爲左內史太初元年更名三輔流

民出襄陽文帝元嘉六年立則何志應有而無治襄陽今治郡領縣三疑戶二千七十八口五千三百二十一

郡縣令漢舊縣屬南郡作若字晉太康地志作都永初郡國及何志屬襄陽徐屬此

高陸令晉太康地志屬京兆永初郡國何志並無孝武大明

元年復立

南天水太守

天水郡別見

徐志本西戎流寓今治巖州永初郡國何志並

無當是何志後所立又有莫縣

漢舊名

孝武大明元年省領縣四戶六

百八十七口三千一百二十二

華陰令前漢屬京兆後漢魏晉屬弘農

西縣令前漢屬隴西後漢屬漢陽即天水魏晉屬天水

略陽侯相

別見

建昌太守孝建元年刺史朱脩之免軍戶為永興安寧二縣立

昌郡又立永寧為昌國郡並寄治襄陽昌國後省徐志建昌又有

永寧縣今無領縣二戶七百三十二口四千二百六十四

永興令

安寧男相

華山太守胡人流寓孝武大明元年立今治大堤領縣三戶一千

三百九十九口五千三百四十二

華山令與郡俱立

藍田令漢舊名本屬京兆

上黃令本屬襄陽立郡割度

北河南太守晉孝武太元十年立北河南郡後省永初郡國何徐

志並無明帝泰始末復立寄治宛中領縣八

新蔡令見別

汝陰令見別

苞信令見別

上蔡令見別

固始令見別

綏氏令見別

新安令見別

洛陽令見別

弘農太守漢武帝元鼎六年立宋明帝末立寄治五壁領縣三

邯鄲令漢舊名屬趙國晉太康地志無此縣

國縣今前漢屬淮陽後漢屬陳留晉太康地志

盧氏令見別

梁州刺史禹貢舊州周以梁併雍漢以梁為益治廣漢維縣魏元

帝景元四年平蜀復立梁州治漢中南鄭而益州治成都李氏據

梁益江左於襄陽僑立梁州李氏滅復舊譙縱時又治漢中刺史

治魏興縱滅刺史還治漢中之苞中縣所謂南城也文帝元嘉廿

年刺史甄法護於南城失守刺史蕭思話還治南鄭永初郡國又

有宕渠郡北宕渠郡宋起居注元嘉十六年割梁州宕渠郡度益

州今益部宕渠郡曰南宕渠何徐並有北宕渠郡唯領宕渠一縣

何云本巴西流民今無

漢中太守秦立漢獻帝建安二十年魏武平張魯復漢寧郡為漢

中疑是此前改漢中曰寧也晉地記云孝武太元十五年梁州刺

史周表立又疑是李氏所省李氏平後復立永初郡國又有苞縣

作中懷安漢晉何徐並無二縣一縣領縣四戶一千七百八十六口一萬三百三

十四

南鄭令漢舊縣

固城令漢舊縣

沔陽令漢舊縣

西鄉令蜀立曰南鄉晉武帝太康二年更名

魏興太守魏文帝以漢中遺民在東垂者立屬荊州江左還本領縣十三疑去州一千二百去京都水六千七百

西城令漢舊縣屬漢中

郿鄉令本錫縣二漢舊縣屬漢中後屬魏興魏晉世為郡後

省武帝太康五年改為郿鄉何志晉惠帝立非也

錫縣令前漢長利縣屬漢中後漢省晉武帝太康四年復立

屬魏興五年改長利為錫

廣城令永初郡國何徐並有不注置立

興晉令魏立曰平陽晉武帝太康元年更名

旬陽令前漢有後漢無晉武帝太康四年復立

上庸令晉太康地志永初郡國徐並屬上庸何無

長樂令永初郡國何徐並屬晉昌本蜀郡流民

廣昌子相何志屬上庸晉成帝立晉地記武帝太康元年改

上庸之廣昌為庸昌二年省疑是魏所立

安晉令永初郡國何徐屬晉昌本蜀郡流民

延壽令永初郡國何徐屬晉昌本蜀郡流民

宣漢令永初郡國何徐屬晉昌本建平流離民

新興太守永初郡國何徐云新興吉陽東關三縣屬晉昌郡何云

晉元帝立本巴漢流民宋末省晉昌郡立新興郡以晉昌之長樂
安晉延壽安樂屬魏興郡宜漢屬巴渠郡寧都屬安康郡永初郡
國有永安縣何徐無今亦無復新興縣何云巴東夷人今領縣一
吉陽令本益州流民

東關令本建平流民

新城太守故屬漢中魏文帝分立屬荊州江左還本領縣六戶一
千六百六十八口七千五百九十四去州陸一千五百去京都水
五千三百

房陵令漢舊縣屬漢中太康地志王隱無

綏陽令魏立後改爲秭歸晉武帝太康二年復爲綏陽

昌魏令魏立

祁鄉令何志魏立晉太康地志作汭

閩陽令何志不注置立

樂平令何志不注置立

上庸太守魏明帝太和二年分新城之上庸武陵北巫爲上庸郡
景初元年又分魏興之魏陽錫郡之安富上庸爲郡疑是太和後
省景初又立也魏屬荊州江左還本永初郡國有上庸廣昌何有
廣昌領縣七戶四千五百五十四口二萬六百五十三去州陸二
千三百去京都水六千七百

上庸令漢舊縣屬漢中

富安令晉太康地志永初郡國何徐並有

北巫令何志晉武帝立按魏所分新城之巫應卽是此縣然
則非晉武立明矣

微陽令魏立曰建始晉武帝改

武陵令前漢屬漢中後漢晉太康地志王隱並無

新安令永初郡國何徐有何云本建平流民

吉陽令永初郡國云北吉陽何徐無

晉壽太守晉地記云孝武太元十五年梁州刺史周馥表立何志故屬梓潼而益州南晉壽郡悉有此諸縣永初郡國徐又有南晉壽南興樂南興安縣何無南興樂云南晉壽惠帝立餘並不注置立今領縣四去州陸一千二百去京都水一萬

晉壽令屬梓潼何志晉惠帝立按晉起居注武帝太康元年改梓潼之漢壽曰晉壽漢壽之名疑是蜀立云惠帝立非

也

白水令漢舊縣屬廣漢晉太康地志屬梓潼

邵歡令水初郡國何徐並不注置立疑是蜀立曰昭歡

改也

興安令永初郡國何徐並不注置立

華陽太守徐志新立永初郡國何徐並無寄治州下領縣四戶一千五百六十一口萬五千四百九十四

華陽令

興宋令

容渠令

嘉昌令徐不注置立

新巴太守晉安帝分巴西立何徐又有新歸縣何云新立今無領縣三戶三百九十三口二千七百四十九

新安令晉安帝立

晉城令晉安帝立

晉安令晉安帝立

北巴西太守何志不注置立宋起居注文帝元嘉十二年於劔南立北巴西郡屬益州今益州無此郡又永初郡國何徐梁州並有北巴西而益州無疑是益部僑立尋省梁州北巴西是晉末所立也永初郡國領閬中漢昌二縣何又有宋昌縣云新立徐無宋昌有宋壽何徐並領縣四今六疑去州一千四百去京都水九千九百

閬中令別見

安漢令別見

南國令即南充國別見

西國令即西充國別見

平周令益州巴西平州縣

北陰平太守晉太康地志故廣漢屬國都尉何志蜀分立永初郡國曰北陰平領陰平綿竹平武資中胄旨五縣何徐直曰陰平領二縣與此同戶五百六口二千一百二十四寄治州下

陰平令前漢後漢屬廣漢屬國名宙底晉太康地志陰平郡

陰平縣注云宙底當是故宙底為陰平永初郡國胄旨縣

即宙底也宙底後之立此縣而字誤也

平武令蜀立曰廣武晉武帝太康元年更名

南陰平太守永初郡國唯領陰平一縣徐志無南字云陰平舊民流寓立唯領懷舊一縣何無今領縣二戶四百七

陰平令

懷舊令徐志不注置立

巴渠太守何志新立領縣七戶五百口二千一百八十三

宣漢令別與郡新立

始興令何志新立

巴渠令何志新立

東關令何志新立

始安令何志新立

下蒲令何志無徐志不注置立

晉興令何志晉安帝立案永初郡國梁部諸郡唯巴西有此

縣不容是此晉興若是晉安帝時立便應在永初郡國疑

何謬也

懷安太守何志新立領縣二戶四百七口二千三百六十六寄

州下

懷安令何志新立

義存令何志新立

宋熙太守何徐志新立領縣五戶一千三百八十五口三千一百

二十八去州七百去京都九千八百

興樂令

歸安令

宋安令

元壽令

嘉昌令何志五縣並新立

白水太守永初郡國何並無徐志仇池氏流寓立有漢昌縣今領

縣六戶六百五

新巴令

漢德令

晉壽令

益昌令

興安令

平周令徐志作平州此五縣徐並不注置立

南上洛太守晉太康地志分京兆立上洛郡屬司隸永初郡國何志並屬雍州僑寄魏興卽此郡也徐志巴民新立徐志時已屬梁州矣永初郡國無豐陽而有陽亭何徐有何不注陽亭置立領縣六

上洛令前漢屬弘農後漢屬京兆何云魏立非也

商縣令上洛同

流民令何不注置立

農陽長永初郡國無何作鄠陽新立徐作豐

渠陽令永初郡國何徐並作拒陽

義縣令永初郡國何徐並無

北上洛太守徐志巴新立領縣七戶二百五十四

北上洛令

農陽令

流民令

陽亭令

拒陽令拒字與南上洛不同

商縣令徐志無

西豐令徐志無

安康太守朱末分魏興之安康縣及晉昌之寧都縣立

安康令二漢安陽縣屬漢中漢末省魏復立屬魏興晉武帝

太康元年更名何云魏立非也

寧都令蜀郡流民

南石渠太守永初郡國有宕渠郡領宕渠漢興宣漢三縣屬梁州
元嘉十六年度屬益州非此南宕渠也何徐梁並無此郡疑是徐
志後所立

宕渠令

漢安令

宣漢令

宋康令三縣並新置

懷漢太守孝武孝建二年立領縣三戶四百十九

永豐長

校來長

預德長

秦州刺史晉武帝太始五年分隴右五郡及涼州金城梁州陰平
并七郡為秦州治天水冀縣太康三年併雍州惠帝元康七年復
立何志晉孝武復立寄治襄陽安帝世在漢中南鄭領郡十四縣
四十二戶八千七百三十三口四萬八百八十八

武都太守漢武帝元鼎六年立永初郡國又有河池故道縣

並漢舊縣

今領縣三戶一千二百七十四口六千一百四十

下辯令漢舊縣

上祿令漢舊縣後省晉武帝太康三年又立

陳倉令漢舊縣屬扶風晉太康地志屬秦國

略陽太守晉太康地志屬天水何志故曰漢陽魏分立曰廣魏武
帝更名永初郡國有清水縣別見何徐無領縣三戶一千三百五十九

口五千六百五十七

略陽令前漢屬天水後漢漢陽即天水晉太康地志屬略陽

雍州南天水益州安固郡又有此縣

臨漢令何志新立

上邽令前漢屬隴西後漢屬漢陽晉太康地志屬天水何志

流寓割配

安固太守永初郡國志有安固郡又有南安固郡元嘉十六年度
益州今領縣二戶一千五百五口二千四十四

桓陵令別見

南桓陵令永初郡國及何志安固郡唯領桓陵一縣徐志又
有此縣

西京兆太守晉末三輔流民出漢中僑立領縣三戶六百九十一

一千五百五十二

藍田令別見永初郡國志無

杜令別見

鄠令二漢屬扶風晉太康地志屬始平

南太原太守

太原別見

何志云故屬并州流寓割配永初郡國又有清河

高堂縣

別見青州平原郡作高唐

領縣二戶二百三十三口一千一百五十六

平陶令漢舊名

南安太守何志云故屬天水魏分立永初郡國無領縣二戶六百
二十口三千八十九

桓道令漢舊名屬天水後漢屬漢陽作獮

中陶令何志魏立晉太康地志有

馮翊太守三輔流民出漢中文帝元嘉二年僑立領縣五戶一千

四百九十口六千八百五十四

蓮芍令別見

潁陽令漢舊名

下辯令徐志故屬略陽流寓割配何無此縣

高陸令二漢魏無晉太康地志有屬京兆何志流寓割配

萬年令別見

隴西太守秦立文帝元嘉初關中民三千二百三十六戶歸化六年立今領縣六戶一千五百六十一口七千五百三十

襄武令漢舊名

臨洮令漢舊名

河關令前漢屬金城後漢晉太康地志屬隴西

狄道令漢舊名

入夏令漢舊名晉太康地志無

首陽

十一 始平太守別見永初郡國無領縣三戶八百五十九口五千四百四

始平令太康地志有何志晉武帝立而雍州始平郡之始平

縣何云魏立按此縣末雖各立本是一縣何為不同

槐里令別見

宋熙令何無徐新立

金城太守漢昭帝始元六年立永初郡國無何徐領縣二戶三百七十五口一千

金城令漢舊名

榆中令漢舊名

安定太守漢武帝元鼎三年立永初郡國志無領縣二戶六百四十口二千五百一十八

朝那令漢舊名

宋興令何志新立

天水太守漢武元鼎三年立明帝改曰漢陽雍州已有此縣永初郡國無領縣二戶八百九十三口五千二百二十八

阿陽令漢舊名晉太康地志無

新令晉太康地志有何志魏立

西扶風太守扶風郡別有晉末三輔流民出漢中僑立領縣二戶百四十

四

郿令別見

武功令別見

北扶風太守孝武孝建二年以秦雍流民立領縣三時又有周長郡又立成階縣領氏民尋省

武功令別見

華陰令別見

始平縣別見

其
海
臨
天
立
水
風
木

宋書卷三十八

志第二十八

州郡四

益州

寧州

廣州

交州

越州

益州刺史漢武帝分梁州立所治別見梁州領郡二十九縣一百二十八戶五萬三千一百四十一口二十四萬八千二百九十三去京都水九千九百七十

蜀郡太守秦立晉武帝太康中改曰成都國後復舊領縣五戶一

氏圖

萬一千九百二口六萬八百七十六

成都令漢舊縣

郫令漢舊縣

繁縣令漢舊縣

鞏縣令二漢晉太康地志並曰牛鞏屬犍為何志晉穆帝度

此

永昌令孝建二年以僑戶立

廣漢太守漢高帝六年立晉太康地志屬梁州領縣六戶四千五百八十六口二萬七千一百四十九去州陸六百去京都水九千九百

雒縣令漢舊縣

什邡令漢舊縣

郫縣令漢舊縣

新都令漢舊縣晉武帝為王國太康六年省為縣屬廣漢

陽泉令蜀分綿竹立

伍城令晉武帝咸寧四年立太康六年省七年又立何劉氏立

巴西太守譙周巴記建安六年劉璋分巴郡墊江以上為巴西郡徐志本南陽冠軍流民寓入蜀漢晉武帝立非也本屬梁州文帝元嘉十六年度何志梁益二州無此郡領縣九戶四千九百五十四口三萬三千三百四十六

閬中令漢舊縣屬巴郡

西充國令漢書地理志巴郡有充國縣續漢郡國志和帝永元二年分閬中立充國縣二志不同晉太康地志有西南

二充國屬巴西

南充國令譙周巴西記初平六年分充國為充充國

安漢令舊縣屬巴西郡

漢昌令和帝永元中立

晉興令徐志不注置立

平州令晉武帝太康元年以野民歸化立

懷歸令徐志不注置立

益昌令徐志不注置立

梓潼太守晉太康地志劉氏分廣漢立本屬梁州文帝元嘉十六
年度益州永初郡國又有漢德新興徐同徐云新興義熙九年立
漢德舊縣按二漢並無漢德縣晉太康地志王隱並有疑是劉氏
所立何益梁二州無此郡領縣四戶三千三十四口二萬一千九

百七十六

涪令漢舊縣屬廣漢

梓潼令漢舊縣屬廣漢

西浦令徐志義熙九年立

萬安令徐志舊縣二漢晉並無

巴郡太守秦立領縣四戶三千七百三十四口一萬三千一百八
十三去州內水一千八百陸五百外水二千二百去京都水六千

江州令漢舊縣

臨江令漢舊縣

墊江令漢舊縣獻帝建安六年度巴西劉禪建興十五年復
舊

枳令漢舊縣

宋書

三

遂寧太守永初郡國有何無徐云舊立領縣四戶三千三百二十

巴興令徐志不注置立疑是李氏所立

德陽令前漢無後漢晉太康地志屬廣漢

廣漢令漢舊縣屬廣漢寧蜀郡復有此縣未知孰是

晉興令徐志不注置立

江陽太守劉璋分犍為立中失本土寄治武陽領縣四戶一千五百二十五口八千二十七

江陽令漢舊縣屬犍為

縣水令別見

漢安令別見

常安令晉孝武立

漢安太守見別准流民晉安帝立本屬南秦文帝元嘉十六年廢

州領縣三戶一千三百一十五口五千九百五十寄治

治平令別見

西平令永初郡國直云西何志故屬天水名西縣

萬年令漢舊名屬馮翊

寧蜀太守永初郡國有何無徐云舊立永初郡國及徐並郡西

墊江縣今無領縣四戶一千六百四十三

廣漢令別見遂寧郡復有此縣

廣都令漢舊縣屬蜀郡

升遷令晉太康地志屬汶山

西鄉令本名南鄉屬漢中晉武太康三年更名

越雋太守漢武帝元鼎六年立故中郡國何志無領縣八戶一千

三百四十九

邛都令漢舊縣

新興令永初郡國有

臺登長漢舊縣

晉興長永初郡國有

會無長漢舊縣

卑水長漢舊縣

定祚長漢舊縣

蘇利長漢縣曰蘇示■曰蘇利

汶山太守晉太康地志漢武帝立孝宣地節三年合蜀郡劉氏又立領縣二戶一千一百七口六千一百五去州陸二百去京都水

一萬

郡安侯相獨立

晏官令何志魏平蜀立晉太康地志無

南陰平太守陰平郡永嘉流寓來屬寄治長陽領縣二戶一千二

四十口七千五百九十七

陰平令別見

緜竹令漢舊縣屬廣漢

犍爲太守漢武帝建元六年開夜郎國立領縣五戶一千三百九十口四千五十七去州陸九十去京都水一萬

武陽令漢舊縣

南安令漢舊縣

資中令漢舊縣

犍道令漢舊縣

治官令晉安帝義熙十年立

東漢書

卷

始康太守關隴流民晉安帝立領縣四戶一千六十三口四千二百二十六寄治成都

始康令晉安帝立

新城子相晉安帝立

談令晉安帝立

晉豐令晉安帝立

晉熙太守秦州流民晉安帝立領縣二戶七百八十五口三千九百二十五

晉熙令晉安帝立

襄陽令晉安帝立

晉原太守李雄分蜀郡為漢原晉穆帝更名領縣五戶一千二百七十二口四千九百六十去州陸一百二十去京都水一萬

江原男相漢舊縣屬蜀郡

臨邛令漢舊縣屬蜀郡

晉樂令何志故屬沈黎晉太康地志無沈黎郡及晉樂縣

縱陽令前漢縱縣屬蜀郡後漢屬蜀郡屬巴西都尉晉太康地

志有縱陽縣屬漢嘉

漢嘉令前漢青衣縣屬蜀郡順帝陽嘉二年更名劉氏立為

漢嘉郡晉江右猶為郡江左省為縣

宋寧太守文帝元嘉十年免吳營僑立領縣三戶一千三十六口八千三百四十二寄治成都

欣平令與郡俱立

宜昌令與郡俱立

永安令與郡俱立

安固太守張氏於涼州立晉哀帝時民流入蜀僑立此郡本屬南秦文帝元嘉十六年度益州領縣六戶一千一百二十口六千五百五十七去州一百三十去京都水一萬

略陽令見別

桓陵令張氏立

臨渭令晉太康地志屬略陽

清水令見別

下邳令何志漢舊縣案二漢晉並無此縣

興固令何志新立

南漢中太守晉地記孝武太元十五年梁州刺史周瓊表立徐志北漢中民流寓孝武大明三年立起居注本屬梁州元嘉十六年度永初郡國屬梁州領縣與此同以永初郡國及起居檢則是元

所立而何志無此郡當是永初以後省大明三年復立也領縣五戶一千八十四口五千二百四十六

南長樂令徐志與郡俱立

南鄭令徐志與郡俱立

南苞中令徐志與郡俱立

南沔陽令徐志與郡俱立

南城固令徐志與郡俱立

北陰平太守徐志本屬秦州文帝元嘉二十六年度永初郡國何志秦梁益並無領縣四戶一千五十三口六千七百六十四

陰平令見已

南陽令徐志本南陽白民流寓立

桓陵令徐志本安固郡民流寓立

順陽令徐志本南陽民流寓立

武都太守別見永初郡國何志益州並無此郡徐志本屬秦州流寓立領縣五戶九百八十二口四千四百一

武都令漢舊名

下辯令別見

漢陽令漢舊名

略陽令漢屬略陽郡流寓配

安定令舊安定郡流寓配

新城太守何志新分廣漢立領縣二戶七百五十三口五千九百七十一去州闕去京都九千五百三十

北五城令何志新分五城立

懷歸令何志新立

新巴太守別見起居注新巴民流寓文帝元嘉十二年於劍南立何志新立新巴民先屬梁州既立割配領縣六戶一千七十七口二千六百八十三

新巴令何志晉安帝立

晉城令何志晉安帝立

晉安令何志晉安帝立

漢昌令何志晉安帝立

桓陵令何志晉哀帝立按起居注南新巴元嘉十二年立何云新立則非先有此郡而云此諸縣晉哀帝安帝立不詳

綏歸令何無此徐有不注置立

南晉壽太守梁州元有晉壽文帝元嘉十二年於劍南以僑流立領縣五戶一千五十七口一千九百四十三去州一百二十去京

都水一萬

晉壽令見別

興安令見別

興樂令二漢魏無晉太康地記云元年更名本曰白馬屬汶

山河志漢舊縣檢二漢益部無白馬縣

邵歡令見別

白馬令見別

宋興太守文帝元嘉十年免建平營立領南陵建昌二縣何志無復南陵有南漢建忠徐無建忠有永川何云建忠新立領縣二戶四百九十六口一千九百四十三寄治成都

南漢令何志晉穆帝立故屬漢中流寓來配

建昌令何新立

永川令徐志行立

南宕渠太守徐志本南中民蜀立起居注本屬梁州元嘉十六年度永初郡國梁州有宕渠郡領縣三與此同而無南字何同若此郡元嘉十六年度益則何志應在益部不詳領縣三戶五百四口三千一百二十七

宕渠令二漢晉太康地志屬巴郡

漢興令二漢魏無晉地志有屬興古郡

宣漢令前漢無後漢屬巴郡晉太康地志無

天水太守見別永初郡國何志益州無此郡徐志與今同領縣三戶

四百六十一

禾興令何志不注置立

上邽令見別

西縣長別

東江陽太守何志晉安帝初流寓八蜀今新復舊二為郡領縣二戶一百四十二口七百四十去州一千五百八十去京都水八千九十

漢安令前漢無後漢屬犍為晉太原地志屬江陽

縣水令何志晉孝武立

沈黎太守蜀記云漢武元鼎十一年分蜀西部邛笮為沈黎郡十四年罷案元鼎至六年云十一年非也又二漢晉並無此郡永初郡國有何無徐云舊郡領縣四戶六十五

城陽令徐不注置立

蘭令漢舊縣屬越雋作闕晉太原地志無

建寧令前漢屬蜀郡後漢屬蜀郡屬國都尉晉太康地志

漢嘉

寧州刺史晉武帝太始七年分益州南中之建寧與古雲南永昌四郡立太康三年省立南夷校尉惠帝太安二年復立增牂牁越雋朱提三郡成帝咸康四年分牂牁夜郎朱提越雋四郡為安州尋越雋後還益州今領郡十五縣八十一戶一萬二百五十三去京都一萬三千三百

建寧太守漢益州郡滇王國劉氏更名領縣十三戶二千五百六十二

味縣令漢舊縣

同樂令晉武帝立

談豪令漢舊縣屬牂牁晉武帝

牧麻令漢舊縣作牧靡

漏江令漢舊縣屬牂牁晉武帝立

同瀨長漢舊縣同作銅

昆澤長漢舊縣

新定長晉太康地志有

存駝晉太康地志有

同並長漢舊縣前漢作同並屬牂牁晉武帝咸寧五年省哀

帝復立

萬安長江左立

毋單長漢舊縣屬牂牁晉太康地志屬建寧

新興長江左立

晉寧太守晉惠帝永安二年分建寧西七縣為益州郡晉懷帝更
各領縣七疑戶六百三十七去州七百三十去京都水一萬三千

七百

建令如漢舊縣屬益州郡晉太康地志屬建寧

連然令漢舊縣屬益州郡晉太康地志屬建寧

滇池令漢舊縣屬益州郡晉太康地志屬建寧

穀昌長漢舊縣屬益州郡晉太康地志屬建寧

秦臧長漢舊縣屬益州郡晉太康地志屬建寧

屬建寧

雙栢長漢舊縣屬益州郡晉太康地志屬建寧

牂牁太守漢武帝元鼎六年立領縣六戶一千九百七十去州一

千五百去京都水一萬二千

萬壽令晉武帝立

且蘭令漢舊縣云故且蘭晉太康地志無

故母欽令漢舊縣

晉樂令江左立

丹南長江左立

新寧長何徐不注置立

平蠻太守晉懷帝永嘉五年寧州刺史王遜分牂牁朱提建寧立

平夷郡後避桓溫諱改領縣二戶二百四十五去京都水一萬三

千

平蠻令漢舊縣屬牂牁故各平夷

營令漢舊縣屬牂牁

夜郎太守晉懷帝永嘉五年寧州刺史王遜分牂牁朱提建寧立

領縣四戶二百八十八去州一千去京都水一萬四千

夜郎令漢舊縣屬牂牁

廣談長晉太康地志屬牂牁

談樂長江左立

談栢令漢舊縣屬牂牁

朱提太守劉氏分犍為立領縣五戶一千一十去州七百二十五

京都水一萬四千六百

朱提令前漢屬犍為後漢屬犍為屬國都尉

堂狼令前漢屬犍為狼作琅後漢晉太康地志屬朱提

臨利長江左立

漢陽長前漢屬犍為後漢無晉太康地志屬朱提

南秦長本名南昌晉武帝太康元年更名

南廣太守晉武帝分朱提立領縣四戶四百四十去州水二千三

百去京都水一萬四百

南廣令漢舊縣屬犍爲晉太康地志屬朱提

新興令何志不注置立

晉昌令江左立

常遷長江左立

建都太守晉成帝分建寧立領縣六戶一百七去州二千去京都水一萬五十

新安令晉成帝立

經雲令晉成帝立

永豐令晉成帝立

臨江令晉成帝立

麻應長晉成帝立

遂安長晉成帝立

西平太守晉懷帝永嘉五年寧州刺史王遜分興古之東立何志晉成帝立非也永初郡國何志並有西寧縣何云晉成帝立今無領縣五戶一百七十六去州一千三百去京都水一萬五千三百

西平令何志晉成帝立

溫江令何志晉成帝立

都陽令何志晉成帝立案晉起居注太康二年置興古之都唐縣疑是

晉綏長何志晉成帝立

義成長何志晉成帝立案此五縣應與郡俱立

西河太守晉成帝分河陽立領縣三戶三百六十九去州二千五百去京都水一萬五千五百

比蘇令前漢屬益州郡後漢晉太康地志屬永昌比作比

成昌令晉成帝立

建安長晉成帝立

東河陽太守晉懷帝永嘉五年寧州刺史王遜分永昌雲南立永
初郡國又有西河陽領牒榆遂段新豐三縣何徐無遂段新豐二縣領
縣二戶一百五十二去州二千去京都水一萬五千

東河陽令何不注置立疑與郡俱立

牒榆長前漢屬益州郡後漢屬永昌晉太康地志屬雲南前

漢牒作葉

雲南太守晉太康地志云故屬永昌何志劉氏分建寧永昌立領
縣五疑戶二百八十一去州一千五百去京都水一萬四千五百

雲南令前漢屬益州郡後漢屬永昌晉太康地志屬雲南
雲平長晉武帝咸寧五年立

東古復長漢屬越雋晉太康地志屬雲南並云始復永初

國何並云東古復何不注置立

西古復長永初郡國有何不注置立

興寧太守晉成帝分雲南立領縣二戶七百五十三去州一千五
百去京都水一萬四千五百

柁棟令漢舊縣屬益州晉太康地志屬雲南

青蛉令漢舊縣屬越雋晉太康地志屬雲南

興古太守漢舊郡晉太康地志故牒何志劉氏分建寧牒何立
則是後漢末省也領縣六戶三百八十六去州二千三百去京都
水一萬六千

漏臥令漢舊縣屬牒何

宛暖令漢舊屬牒何本名宛温為桓温改

律高令漢舊縣屬益州郡後省晉武帝咸寧元年分建寧郡
修雲俞元二縣開流民復立律高縣修雲俞元二縣二漢
無

西安令江左立

句町令漢舊縣屬牂牁

南興長江左立

梁水太守晉成帝分興古立領縣七戶四百三十一去州水三千
去京都水一萬六千

梁水令與郡俱立

騰休長漢舊縣屬益州郡晉太康地志屬興古何志故屬寧
寧晉武帝從興古治之遂以屬焉

西隋令漢舊縣屬牂牁晉太康地志屬興古並作隨

毋掖令漢舊縣屬益州郡晉太康地志屬興古劉氏改曰
豐晉武帝太始五年復爲毋掖

新豐長何志不注置立

建安長何志不注置立

鐔封長漢舊縣屬牂牁晉太康地志屬興古

廣州刺史吳孫休永安七年分交州立領郡十七縣一百三十六
戶四萬九千七百二十六口二十萬六千六百九十四去京都水
五千二百

南海太守秦立秦敗尉它王此地至漢武帝元鼎六年開屬交州
領縣十戶八千五百七十四口四萬九千一百五十七

番禺男相漢舊縣

熙安子相文帝立

增城令前漢無後漢有

博羅男相漢舊縣二漢皆作博字晉太康地志作博

西平令永初郡國有

龍川令舊縣

懷化令晉安帝立

綏寧男相文帝立

高要子相漢舊縣屬蒼梧文帝廢

始昌令文帝立

蒼梧太守漢武帝元鼎六年立永初郡國又有高要建陵寧新都
羅端溪撫寧六縣建陵寧新吳立都羅晉武分建陵立晉武帝太
康元年改新寧曰寧新端溪見別撫寧始見永初郡國高要何志無
餘與永初郡國同徐志無建陵寧新撫寧三縣何徐二志並有懷

熙一縣思安封興湯康僑寧四縣疑是宋末度此也今領縣十
戶六千五百九十三口萬一千七百五十三去州水八百七京都
水五千五百九十

廣信令漢舊縣

猛陵令漢舊縣

懷熙令文帝立

恩安令永初郡國有及何志並屬晉康徐志度此

封興令永初郡國有及何志並屬晉康徐志度此

蕩康令永初郡國有及何志並屬晉康徐志度此

僑寧令永初郡國有及何志並屬晉康徐志度此

遂成令永初郡國有

丁留令晉武帝太康七年以蒼梧蠻夷賓服立開作丁溜溜

音留

廣陵令永初郡國有

武化令徐志以前無疑是宋末所立

晉康太守晉穆帝永和七年分蒼梧立治元溪永初郡國治龍鄉何志復龍鄉縣當是晉末立元嘉二十年前以龍鄉併端溪也永初郡國又有封興蕩康思安遼安開平縣何志無遼安開平二縣餘與永初郡國同封興蕩康思安別遼安開平應是晉末立元嘉二十年前省今領縣十四戶四千五百四十七口一萬七千七百一十去州水五百去京都水五千八百

端溪令漢舊縣何志屬蒼梧徐志屬此

晉化令何志不注置立疑是晉末所立

都城令何志晉初分建陵立今無建陵按太康地志唯有

都羅武城縣

樂城令何志無徐志有

賓江令何志無徐志有

說城令何志無徐志有

元溪令晉太康地志屬蒼梧

夫阮令永初郡國有

僑寧令何志云漢舊縣檢二漢地理郡國無蒼梧又有僑寧

縣

安遂令文帝立

永始令文帝立

武定令文帝立

文招令何志無徐志有二文招一屬綏建一屬晉康

熙寧令何志無徐志有

新寧太守晉穆帝永和七年分蒼梧立永初郡國有平興永城縣何徐志有永城無平興此二縣當是晉末立平興當是元嘉二十一年以前省永城當是大明八年以後省何志又有熙寧縣云新立當是文帝所立徐志無當是元嘉二十年後省也今領縣十四戶二千六百五十三口一萬五百一十四去州水六百二十去京師水五千六百

南興令何志漢舊縣檢二漢地理郡國晉太康地志並無永初郡國有

臨允令漢舊縣屬合浦晉太康地志屬蒼梧何志吳度蒼梧新興令永初郡國有何志不注置立
博林令永初郡國有何志不注置立

甘東令永初郡國有何志不注置立

單牒令永初郡國有何志不注置立

威平令永初郡國有何志不注置立

龍潭令文帝立

平鄉令文帝立

城陽令文帝立

威化令文帝立

初興令文帝立

撫納令徐志有

歸順令徐志有

永平太守晉穆帝升平五年分蒼梧立永初郡國有雷鄉盧平員鄉通寧開城五縣當是與郡俱立何志徐無雷鄉員鄉又有熙平

云新立疑是文帝所立雷鄉員鄉當是元嘉二十年以前省廬平
連寧開城當是大明八年以後省今領縣七疑戶一千六百九口
一萬七千二百二去州水一千二百去京都水五千四百

安沂令永初郡國有何志不注置立
豐城令吳立屬蒼梧永初郡國併安沂當是宋初併何志有
當是元嘉中復立

蘇平令永初郡國有何志不注置立徐曰藉平
嗽安令永初郡國有何志不注置立
夫寧令永初郡國有何志不注置立

武林令文帝立
鬱林太守秦桂林郡屬尉陀武帝元鼎六年復更名永初郡國有
安遠程安威定三縣別見中冑歸化之五縣中冑疑即桂林之中溜歸化二

漢晉太康地志無疑是江左所立何志無中冑歸化餘三縣
林徐志同今領縣十七戶一千一百二十一口五千七百二十七
去州水一千六百去京都水七千九百

布山令漢舊縣
領方令漢舊縣吳改曰臨浦晉武復舊
阿林令漢舊縣

鬱平令吳立曰陰平晉武太康元年更名
新邑令吳立
建初令永初郡國有何志不注置立徐同

賓平令永初郡國有何志不注置立
威化令永初郡國有何志不注置立
新林令永初郡國有何志不注置立

龍平令永初郡國有何志不注置立

安始令吳立曰建始晉武帝太康元年更名

懷安令何志吳改未知先何名吳錄地理無懷安縣名太康地志無永初郡國有

晉平令吳立曰長平晉武帝太康元年更名

綏寧令永初郡國併領方何無徐有

歸代令徐志有

中胄令徐志有

建安令永初郡國有何無徐有

桂林太守本縣名屬鬱林吳孫皓鳳皇三年分鬱林治武熙縣不知何時徙永初郡國有長安夾陽二縣夾陽晉武帝太康元年分龍岡立長安太康地志有而王隱無何徐並無此二縣今領縣七

戶五百五十八口二千二百五去州水一千五百七十五

水六千八百

中溜令漢舊縣屬鬱林晉太康地志無

龍定令晉武帝太康元年立桂林之龍岡疑是永初郡國何

徐並云龍定

武熙令本曰武安應是吳立晉武帝太康元年更名故屬鬱林

陽平令永初郡國何徐並有何云新置按晉武帝太康元年

立桂林之洋縣疑是

安遠令武帝太康六年立屬鬱林永初郡國猶屬鬱林何

徐屬此

程安令永初郡國屬鬱林何徐屬此疑是沃左立

威定令永初郡國屬鬱林何徐屬此疑是江左立

高涼太守二漢有高涼縣屬合浦漢獻帝建安二十三年吳分立
治思平縣不知何時徙吳又立高熙郡太康中省併高涼宋世又
經立尋省永初郡國高涼又有石門廣化長度宋康四縣何徐並
無宋康當是宋初所立元嘉二十年以前省其餘當是江左所立
領縣七戶一千四百二十九口八千一百二十三去州水一千一
百去京都水六千六百

思平令晉太康地志有

莫陽令晉太康地志有屬高興

平定令何志有不注置立

安寧令吳立

羅州令何志新立

西華令何志新立

禽鄉令何志新立

新會太守晉恭帝元熙二年分南海立廣州記云永初元年分新
寧立治益允未詳孰是領縣十二戶一千七百二十九口萬五百
九去州三百五十

王 宋元令永初郡國無文帝元嘉九年割南海新會新寧三郡
界上新民立宋安新熙永昌始成招集五縣二十七年改
宋安為宋元

新熙令

永昌令

始成令

招集令

益允令永初郡國故屬南海何徐同

新夷令吳立曰平夷晉武帝太康元年更名故屬南海

封平令永初郡國云故屬新寧何云故屬南海徐同

封樂令文帝元嘉十二年以益允新夷二縣界歸化民立

初寶令何志新立

義寧令何志新立

始康令何志新立

東官太守何志故司監都尉晉成帝立為郡廣州記晉成帝咸和

六年分南海立領縣六戶一千三百三十二口一萬五千六百九

十六去州水三百七十去京都水五千六百七十

寶安男相永初郡國何徐並不注置立

安懷令永初郡國何徐並不注置立

興寧令江左立

海豐男相永初郡國何徐並不注置立

海安男相吳曰海寧晉武改名太康地志屬高興

欣樂男相本屬南海宋末度

義安太守晉安帝義熙九年分東官立領縣五戶一千一百一十

九口五千五百二十二去州三千五百去京都水八千九百

海陽令何志晉初立晉太康地志無晉地記故屬東官

綏安令何志與郡俱立晉地記故屬東官

海寧令何志與郡俱立晉地記故屬東官

潮陽令何志與郡俱立晉地記故屬東官

義招令晉安帝義熙九年以東官五營立

宋康太守本高涼西營文帝元嘉九年立領縣九戶一千五百一

十三口九千一百三十一去州永九百五十去京都水五千九百

七十

廣化令晉太康地志有屬高與永初郡國屬高涼

單城令何志新立

逐慶令何志新立

海隣令何志新立

化隆令何志新立

開寧令何志新立

綏定令何志新立

石門長何志故屬高涼

威單長徐志有

建太守文帝元嘉十三年立孝武孝建元年有司奉化

綏南宋昌宋泰五州舊屬綏建中割度臨賀相去既遠疑是

今唯有綏南餘並無何徐又新招縣云本屬蒼梧元嘉十九年改

徐志晉康復有此縣疑誤今領縣七疑戶三千七百六十四口一

萬四千四百九十一去州

新招令本四會之官細鄉元嘉十三年分爲縣

化蒙令本四會古蒙鄉元嘉十三年分爲縣

懷集令本四會之銀屯鄉元嘉十三年分爲縣

四會勇相漢舊縣屬南海

化穆令何志新立

綏南令永初郡國徐並無

海昌太守文帝元嘉十六年立何有單化縣徐無領縣五戶一千

七百二十四口四千七十四去州水六百五十去京都水五千四

寧化令徐志新立

威寧令徐志新立

永建令徐志新立

招懷令徐志新立

興定令文帝元嘉九年立屬新會後度此

宋熙太守文帝元嘉十八年以交州流寓立昌國義懷綏寧新建四縣為宋熙郡今無此四縣二十七年更名宋隆孝武建中復改為宋熙領縣七戶二千八十四口六千四百五十去州水三百四十五去京都水五千二百

平興令徐志新立

初寧令徐志新立

建寧令徐志新立

招興令徐志新立

崇化令徐志新立

熙穆令徐志新立

崇德令徐志新立

寧浦太守晉太康地志武帝太康七年改合浦屬國都尉立廣州記漢獻帝建安二十三年吳分鬱林立治平山縣吳錄孫休永安三年分合浦立為合浦北部尉領平山興道寧浦三縣又云晉分平山為始定寧浦為潤陽未詳孰是永初郡國有安廣縣無始定縣何徐並無此郡領縣六

潤陽令晉武帝太康七年立永初郡國作簡陽

興道令晉武帝太康元年以合浦北部營之連道立吳錄有

此縣未詳

吳安令吳錄無

平山令晉太康地記有

始定令晉太康地記有永初郡國無

晉興太守晉元帝太興元年分鬱林立

晉興

熙汪

桂林

增翊

安廣

廣鬱

晉城

鬱陽

樂昌郡

樂昌令

始昌令

宋元令

樂山令

義立令

安樂令

交州刺史漢武帝元鼎六年開百越交趾刺史治龍編漢獻帝
安八年改曰交州治蒼梧廣信縣十六年徙治南海番禺縣及分
爲廣州治番禺交州還治龍編領郡八縣五十三戶一萬四百五
十三去京都水一萬

交趾太守漢武帝元鼎六年開領縣十二戶四千二百三十三

龍編令漢舊縣

句瀟令漢舊縣

朱載令漢舊縣

吳興令吳立

西干令漢舊縣

定安令漢舊縣

望海令漢光武建武十九年立

海平令吳立曰軍平晉武改名

武寧令吳立

羸乃知婁令漢舊縣

曲易音今漢舊縣

南定令吳立曰武武晉武改何志無

武平太守吳孫皓建衡三年討扶嚴夷以其地立領縣六戶一千

四百九十去州水二吳錄無晉太康地志

天定長吳立

新道長江左立

晉化長江左立

九真太守漢武元鼎六年立領縣十二疑戶二千三百二十八去

州水八百去京都水一萬一百八十

移風令漢舊縣故名居風吳更名

胥浦令漢舊縣

松原令晉武帝分建初立

高安令何志晉武帝立太康地志無吳錄晉分常樂立

建初令吳立

常樂令吳立

軍安長何志晉武帝立太康地志無此縣而交趾有軍平縣

武寧令吳立何志武帝立太康地志無此縣而交趾有

都龐長續漢舊縣吳錄有晉太康地志無

寧夷長何志晉武帝立太康地志無

津梧長晉武帝分移風立

九德太守故屬九真吳分立何志領縣七今領縣十一戶八百九

去州水九百去京都水一萬九百

浦陽令晉武帝分陽遠立

陽遠吳立曰陽成太康二年更名後省

九德令何志吳立

咸驪令漢舊縣

都泆長何志晉武帝分九德立

西安長何志晉武帝立太康地志無吳錄亦無

南陵長何志晉武帝立太康地志無王隱有

起常長何志吳立太康地志無

宋泰令宋末立

宋昌令宋末立

希平令宋末立

日南太守秦象郡漢武元鼎六年更名吳省晉武帝太康三年復

立領縣七戶四百二去州水二千四百去京都水一萬六百九十

西卷今漢舊縣作卷

盧容令漢舊縣

象林令漢舊縣

壽於令晉武太康十年分西卷立

朱吾令漢舊縣

無勞長晉武分北景立

北景長漢舊縣

義白郡宋末立

宋郡孝武世分日南立宋平縣後為郡

越州刺史明帝泰始七年立

百梁太守新立

龐太守新立

太守新立

昌太守新立

南流太守新立

臨漳太守先屬廣州

合浦太守漢武帝立孫權黃武七年更名珠官孫亮復舊先屬

領縣七戶九百三十八去京都水一萬八百

合浦令漢舊縣

徐聞令故屬朱崖晉平吳省朱崖屬合浦

朱官長吳立朱作珠

蕩昌長晉武分合浦立

朱盧長吳立

晉始長晉武帝立

太守新立

